

PILISO YE TEZI, MWA NYAKALALO



Ni tabile busihu boo, hape, ku mi lumelisa ka Libizo la Mulena luna ya lateha Jesu, yena Mwana Mulimu ya zuhile. Mi Pata ya Hae neili kale mo ha Ni kena, kacwalo lu kulubela kubona zetuna hahulu, kufitelela, “fahalimwa lika kaufela ze lukona kueza kamba kunahana,” busihu boo, kuli Mulimu uka lu sululela fa halimu, limbuyoti za Hae, ni ku bonahalisa Jesu Kreste mwahala luna.

² Ne ni sweli kuambola masihu amabeli a mafelelezo. . . La Sunda busihu Na sepa lubile ni sebelezo ya foliso, mi la Mubulo busihu ne Ni kutaza. Ni kufa. . . Kukala tuto, la Sunda kakusasana, mwa tabernakele. Mi Na hupula, hane lu sweli kulibeleva sicaba kuli si ekezehe kwateni, Ne ni ka sulula maikuto aka. Niba. . .

³ Leliñwi la mazazi aa, haiba Mulimu alata, mi uka ni tusa, Ni tabela fela kuba ni mikopano ye miñata nyana ko mu—mu si ke. . . kukena fela mwahali ku yo kutaza kamba kuluta Mañolo, ni kubizeza sicaba kwapili, ni kuya kwa katala ku yo lapelela sicaba, mi sina ba Baptist ba kale mo ne ba ezezanga. [Yomuñwi uli, “Amen.”—Mu.] Neli ba Baptist fela bababeli bene Ni utwile ha ni bulela kuli, “Amen.” Kacwalo mu kai, busihu boo?

Yomuñwi naize, “Muzwale Branham, kana u wa Baptist?”

Ali, “Eehe,” Na bulela.

⁴ Ne ni sweli kukutaza kwanu kwa Arkansas, nako yeñwi. Muuna muhulu, muuna muhulu, a foliswa. Na li. . . nebana ni. . . Na li wa Nazarene. Nana milamu ya hae kwa mukokoto, zazi lelitatama, ha na zamaya mwa tolopo, ni—ni sisupo ku yona, “Mulimu na ni lamulezi ku zona, maabani busihu.” Mi nali sihole maswe luli. Neli kwa Little Rock. Mi nabile ona cwalo fa myaha nyana. Mi mañi ni mañi na mu ziba, kakuli na ya kwa ni kwa, mi na beya kuwani ya hae fafasi, ni kulekisa lipotoloto mwa kuwani yeo. Mi mañi ni mañi na mu ziba, kacwalo se likala fela, kueza nto yetuna mwa muleneñi.

⁵ Mi masihu amabeli kuzwa fani, Ne ni kutaza, mi—mi a zuha. Ki hali, “Fa muzuzu fela, Muzwale Branham, kana Ni ku buze nto yeñwi?”

Se nili, “Batili, sha hakuna butata.”

⁶ Mi ki hali, “Kihande,” ki hali, “hane—hane Ni ku utwile u kutaza, Ne ni ziba kuli u wa Nazarene.” Ki hali, “Mi Na bona sicaba sa Mapentekota kaufela mwahali mo, mi kuna ni ya ni bulelezi kuli u wa Pentekota.” Ki hali, “Ni ku utwile ha u bulela, fa nako nyana kuli, u wa Baptist.” Ki hali, “Ha ni utwisisi se.”

⁷ Se nili, “Kihande, kinto yebunolo. Ni wa Pentekota Nazarene Baptist.” Yeo ki niti. Yeo ki niti. Luna fela...lwa lumela.

⁸ Oh, balikani, Ha ni wa siemba sa kopano ifi kaufela ya keleke, kono niteñi Ni wa siemba sifi sa zona kaufela. Hane Ni kala musebezi wo, Ne ni bulelanga kuli, “Kreste ki yena toho yaka. Bibebe ye ki buka yaka. Mi lifasi kona keleke yaka.” Kacwalo, kona—kona mo Ni bata kubelaa kufitela Ni shwa.

⁹ Cwale, mwa busihu kamba amabeli, luka lika kukala sebelezo ya foliso hape, haluka ba ni...Kakuli, ka kubona tumbeta to ni milamu yeliteni mo, Ni tabela kubona nto yeñwi. Ni na ni tibeledo yetuna hahulu kuli sesiñwi si ezahale mo mwa Louisville, Kentucky, kakuli le kona lapa la luna.

¹⁰ Nali kuba ni be ni omunde, o mukona kubiza kuli mukopano omunde, mwa Kentucky. Mi ha Ni talusi cwalo ka mukwa wa kunyaza. Ni—Ni bile ni yemiñata ye maswe, libaka zeñata. Kono, Ni talusa kuli, ona mwa lapa laka le, kutata hahulu. Na...neli fela tata kuli ni li tatulule. Ha ni zibi libaka. Kono Ni sepa kakuli Jesu naize, “Mwa naha ya henu,” ni mo likona kubela, yeo kwateni ki—ki yona nzila yateni. Kono ha lubonangi limakazo yetuna luli ze ipitezi.

¹¹ Ne ni na ni sebelezo kwanu, mwendi silimo kamba zepeli kwa mulaho, mwa Jeffersonville, kono ne ku ezahalile kuli musali yani na li kwanu Kentucky kokuñwi. Na fetuhile kuba musali, cwalo, kuzwa kwa mahutu; kuzwa fa noka ya hae kuya kwa mautu a hae, nitaluse. Mi na—na sa koni kuzamaya, ka myaha ye sebentini. Buñata bwa mina nemuli kwani busihu bwani, mi mwahupula taba yani. Mi ayema ni kuzwela fande a tabernakele, inza iketile hande.

¹² Cwale, Ni tabela kuli sesiñwi si kalise kwanu mwa Louisville, ko ne Ni bona ancafazo ya mufuta wa kale i ezahala mwa sibaka sesinde sesituna se kwanu.

¹³ Ki muleneñi sina mileneñi yemiñwi kaufela; ki o maswe luli sina yemiñwi kaufela mo ibelanga. Mu ziba kuli yeo ki niti. Ha ni filikanyi Kentucky; kakuli, Ni mu Kentuckian, nina. Ku lukile. Kono ki—ki niti. Ki o maswe. Le ki lapa la macwala kauffa ni miyengo yelotisa tucipembe kaufela, ni milelo yemaswe ni lika kaufela, ze cwalo, li ezahalela ona mwa Louisville, Kentucky mo, kona kuli se ki sipula sa Satani.

¹⁴ Kono lwakona ku si aba mwa liemba emba ni Evangeli ya Jesu Kreste, haiba lu ka ba hamoho. Yeo ki niti. Lu lukela kukopanya mata a luna hamoho ni ku kasha.

¹⁵ Nako yeñwi yefitile, mubuleli ya zibahala hahulu mwa naha ye, naize, ka kuambola za lisebelezo kwanu. Ki hali, “Kihande, ki se fa mo si inezi.” Ki hali, “Ha Ni kena mwa muleneñi, lika kaufela mwahala sibaka seo li na kutusa mikopano yaka kusi cwalo Hanina kuya. Yeo ki niti. Kihande, munahane fela. Ni

sepa kuli mwendi kuna ni likeleke ze mashumi a silezi kamba mashumi a supile za Baptist zeliteni mwa Louisville. Mwabona? Kucwani he ka ba Methodist? Mi ki tolopo ya Methodist; Asbury ka kuba kwani. Kana muuna yani na ka eza cwani haiba na ka taha mwa muleneñi wo, ba Methodist ni ba Baptist, lu sa buleli ba Presbyterian ni bao kaufela?

16 Cwale ki likeleke zekai za ba Evangeli yetezi zeliteni mwa muleneñi moo? Ki zepeli kamba kamba zetalu kwa sibaka sesiñwi cwalo, ki likeleke fela zenyinyani, fa ni faale, mi ba lwanisana yo ni yani.

17 Kacwalo ha u taha, u na ni kuyema fa kuyita kwa kwa bulumiwa bwa hao. Yeo ki niti. Mi neba zona za . . . mañi ni mañi uswana sina litaba za naha zeikenela fela mwateni. Ki fa mata a bulumiwa bwa hao, kuli u be ni za ka luma Mulena. Ni tabela ha li ba cwalo. Muzwale, haiab Jesu Kreste ha ki yena ye ni tezi kwanu, ni kutinga kwa ka, kona kuli hakuna sika se ni nani fa kuitinga. Yeo ki niti. Yena . . . Ku Kreste, yena Licwe, kona fo Ni yemi; libaka zeñwi kaufela ki lishabati, ku na. Ni tabela kukutaza kwa batu ba ketalizoho bao Ni ziba kuli Mulimu u ni lumile kuli ba ka utwa Liñusa, kufita ku kutaza ku bo lule lule ba batile fela mwateni ka lipolitiki. Yeo ki niti.

18 Ni kona kutabela kubona mukopano wa mufuta wa kale, ku ya fa aletare ni kulika kuli boo-hoo katata, kufita kubona baba eza teni sauzande ha ba yema, kubulela fela kuli, “Kihande, Ni ka Li lika.” Kulika Feela? Ha ki Kreste wa kulika. Ki Ya lukela kuamuhelwa. Wapila kamba wa shwa, watiba kamba wa nwela, Mu amuhele kupale kumane. Kona niti.

19 Haiba Ni lapela, ku lapelela batu baba teni sauzande busihu boo, mi kaufela bona ba shwa kakusasana; kamuso busihu Ni ka kuta kwanu ku to lapelela bakuli, ka kulumela kuli Linzwi la Mulimu li lukile. Yeo ki niti.

20 Kambe Ne ni ka shwa; mi batu baba likiti ze ketalizoho ba shwile myaha ye mwanda yefitile, mi nebali mwa Kuyakuile nako yetelele cwalo, ba zuhe mi bakutelele mwa lifasi, ni kubulela kuli, “Muzwale Branham, u si ke wa Li sepa. Ha ki ya sepeha. Usike wa Li sepa. Luna—luna ne li Mu sepile, lwa ya; kono lu i zo palelwa.”

21 Ne ni ka bulela kuli, “Tuhela ni shwele ku Jesu Kreste.” Yeo ki niti. Na Li lumela. Mi yeo kona pilu yaka kaufela, lika kaufela liinzi hande ku Zona. Mi Na Li lumela ka pilu yaka kaufela, mi Ni itinga ku Yena.

22 Mi Na lata sicaba sa Hae. Na mi lata, mina sicaba sa naha ya Mubuso wa Mulimu. Mi Ni bata kuyema ni liheta ni mina, ni kulwala mutiyu.

23 Cwale, busihu bwa kacenu; Ni bulezi kuli, maabani busihu, Ne ni ka bulela fa nako nyana busihu boo, haiba Mulena alata.

Hani lati ku mi inisa nako yetelele hahulu, ku mi katalisa, kakuli lu kulubela . . .

²⁴ Ni na ni nto yeswana sina mukata wa ngu fapila Mulena ka mukopano wo. Mi Ni kulubela Mulimu kueza sika se si ka kalisa mukopano wo ka pikuluha ona mwa munzi woo. Mu lapele, mueze siemba sa mina; mi, cwale Katulo ha itaha, kaufela luna lwa kona ku yema ni kubulela kuli lu ezize siemba sa luna.

²⁵ Mwa kauhanyo ya 20 ya Exoda, ni kukala ka timana ya 7, Ni bata kubulela fa nako nyana fela, haiba Mulimu uka lumeleza, kuli ibe . . . kihande, Ni ka bulela kuli, ha ki tuto ye ipitezi, kono ki—ki tuto yende. Sunda yefelile, kwa sikolo sa la Sunda kwa tabernakele mwa Jeffersonville, ne lu kalezi, ka za, “puluso ka Mali.”

²⁶ Mi ki se se se Ni lika kueza, haiba mubata kuziba libaka le Ni ezeza se fa. Buñata bwa mina mubulela kuli ha mu si ka ni bona kale fateni inge ni kutaza mwa mukopano wa foliso, kono ki ka mulelo. Na sepa, haiba Ni kona kunga mioyo kuli i lile ni kutaha kwa aletare, kona kuli Ni ka fumana kushemubiwa ni Mulimu mwa Louisville, yeo ki niti, foo sicaba ha si ina fapila Mulimu ni kulapela.

²⁷ Mi, he, kuna ni babañata ba mina, balikani, baba lapela, kuitima lico, mi mu saba ku ba ni ze mu lapelela. Yeo ki niti. Mwabona? Kihande, halina ku mi tusa sesiñwi ka kuitima lico ni kulapela, kwanda kuli mube ni musebezi wo zamaelela ni zona. Tumelo ya hao kaufela, mwa lifasi, haina ku ku kutusa ni hanyinyani kwanda kuli ufitele teñi koo, ni kuyema lihutu-kalihutu ni zona, ni ku amuha. Kona cwalo. U lukela kuzwelapili. U lukela fela kuzwela kwande ni ku yo lieza, kupale kumane. Ha u kupa sika, zamaya u yo si nga. Mulimu ubulezi kuli ki sa hao, kacwalo u si ke wa nga se si shutana kusona. U amuhele so kupile. U eze ona cwalo, mi ubatisise mo li tahela. Ehe. Usike—usike wa kuta mwa mulaho ni kubulela kuli, “Kihande, Ni kanga ya bubeli.”

²⁸ Ni ka nga yapili. Mulimu u ni sepisize, sa pili, kona se Ni bata. Mi ka myaha ye twenti-sili ye yee yona ye Ni Mu sebelelize, U ni file ona sibaka sani. Mi Na . . . Mi haibile fela Ni Mu lumela ni ku Mu lata, mi ni Yena wa ni lata, ku kaba fela ona cwalo kakuli U tamehile kwa Linzwi la Hae. “Lika kaufela ze mu lakaza, ha mu lapela, mulumele kuli mwa li amuhela, mi mu kaba ni zona.” Kona sa Na bulezi. Kana ku cwalo? [Kopano ili, “Amen.”—Mu.] Zeo ki zende. Ku lukile.

²⁹ Na tabela kuutwa ha mu bulela kuli, “Amen.” Wa ziba, Kezeli Hoover, *amen* italusa kuli “kube cwalo,” ku na, mwa ziba. Mi Ha—Ha ni kutaza, mi Ni sa utwi mutu ya bulela kuli “amen,” Na—Na komoka feela.

³⁰ Kwanu nako yeñwi yefitile Ne ni kutaza mwa keleke yenyinyani, mi—mi Ne nili fela . . . Oh, Ha ni na ngana yeñata

hahulu ya fa katala, kuya ka, Na sepa, ka lituto za bulapeli bwa lizazi le, kacwalo Ni sepa Ne ni tiloba ya sa utwi nyana. Mi Ni sepa kuli Na tulela fa katala, sina *cwalo*, na kuswala maikulofoni mwa lizoho, ni kuina fani, ni mahutu aka inza nyendaela, inge ni kutaza katata mo ne Ni konela kaufela. Na to itetulula; Ne ni sa zibi sene Ni eza. Mwa mizuzu yelikani, Na lateha hape, mi Na to ipumana mwahala lipula, ninze ni puta mahutu a malukwe aka. Hani zibi kuli kiñi, kono Ne nili. . . Ne ni kaabela kuina fani fa nako nyana. Yeo kona taba iliñwi ye Ni tabela kubulela. Ne li fa sibaka fo ne Ni ikutwa hande ka kuikola luli. Ne ni pilile ka yona ka mazazi nyana kuzwa fani.

³¹ Neku na ni muuna yana tile kuna, mi ki hali, “Bulela,” ki hali, “ukona ku kutaza cwani, mi sicaba sani kaufela sili, ‘Amen’?”

Se nili, “Seo kona se si ni konisa kuli ni kutaze.” Eehe.

³² Ne ni banga ni nja ya kale. Ne ni zumanga binono. Ni sepa kuli Nina ni balikani babañata mo ba mwa Kentucky baba lata kuzumanga binono. Kacwalo. . . Mi ne i tulela kwa kota kaufela yeneliteñi, mi kipeto i yo si swala, fakaufi ni kangamba; mi ne i sa tabeli kuba ni sa kueza ni sani. Cwale, ne i si matiseza mwa libunda la makwati. Mi nto fela yene Ni eza, Ne ni sa lati kuba mwatasi mwani ha se iile, Ne ni ziba cwalo. Kacwalo taba fela yene Ni eza, ki ku nanula sicacani, ni ku inatanata ni kuhuwa, kuli, “Swala, mushimani! Swala!” Mi kipeto i yo swala kangamba kani.

³³ Cwale kangamba kaka maswe hahulu ko Ni ziba ki diabulosi. Mi haiba mubata kuswakeza nyana, ki kuhuwa fela kuli “amen” fa ni fa. Mi Ni—Ni. . . Lu ka si tuhelela kuba kwa kota, kasamulaho nyana, mi kipeto lu yo si pahulula kwateni. Mwabona?

³⁴ Mwa ziba, mulikani wa kale Robinson, buñata bwa mina mu mu utwile. Nji cwani? Keleke ya Nazarene. Ki hali, “Mulena,” ali, “ni fe lisapo la moongola inge musumo. U ni fe zibo yeñata kwa mafelelezo a katangando ka situwa sa moyo waka. Mi Ni konise kulwanisa diabulosi haibile fela Ni na ni liino lililiñwi, mi kipeto ni mu tafune ka busisini bwaka kufitela Ni shwa.” Ni sepa kuli yeo ki nto yende. . . Mi ona seo fela kona sa na ezize. Kona fela sa na ezize; seli, na fa kaufi ni kuba wa myaha ye mwanda ya kupepwa inza kutaza Evangeli.

³⁵ Na utwanga baikale bani inge ba kutaza ona cwalo. Zazi leliñwi, ha ne Ni tukisa silimba, mi muzwale wa mucembele, wa libizo la Mordecai F. Ham, bukaufi ni myaha ye mwanda ya kupepwa, u sa kutaza Evangeli. Se nili, “Mulimu, mu fuyole, mi ha be ni linaledi mwa mushukwe wa hae ha ka yo fita Kwani.” Muzwale Ham, Ne ni sa muzibi mane. Leliñwi la mazazi a Ni bata ku kopana ni yena a si ka silela kale mwabuse, bwa Naha. Mi, kacwalo, wakona kuswalana mwa mazoho ni balikani

babañata kwabuse Bwani. Ni ziba kuli ukaba ni ba bañata ba kuswalana mazoho ni bona ha ka yo fita Kwani, oh, kakuli ubile muika wa kale mwa musebezi.

³⁶ Mulena aku fuyole cwale. Mi cwale, lu si ka kena kale mwa Linzwi le, ha lu kupeni Muñi kuli atahe ato Li patulula ku luna.

³⁷ Ndata luna ya musa yakwa Lihalimu, lwa Ku atumela, busihu boo, ka lona Libizo le li tiile lani la Mwana Hao, Jesu; lunze luipulela libi za luna, kuli mane ha lu swaneli kubulela Libizo la Hae leli kenile. Kakuli mwa . . . Lubasi kaufela lwa Lihalimu lu biziswa kuli “Jesu.” Lubasi kaufela fa lifasi lu biziswa kuli “Jesu.” Mi ka Libizo leo liñwele kaufela lika kubama, ni lulimi kaufela lu ka bulela ku Lona, kamba ki baezalibi kamba baba kenile. Mi, ha lu bulela ka Libizo la Hae, mo lu lukela kunjanjeza mwa lipilu zaluna, ka likute, halunze lubulela. Kacwalo lu kupa ka Libizo la Hae, ka likute, kuli U tahe ku luna busihu boo, Mulena.

³⁸ Lutemo mo mwahala muleneñi omutuna, lu na ni mifuta kaufela ya libelekiso zeo Satani atamile sicaba ka zona, mwa misebezi ya bona, ku za kulaula kwa hae, ni butanya, macwala, ni makwai. Mi, O Mulimu, mi bakutazi babañata, fa katala, ba li tuhela fela inge kuli ki iliñwi ya lika ze swana zesina tuso.

³⁹ Kono, Mulimu, lufe linzwi la temuso, kuli lu kutaze Evangeli inamile mi ni ka niti, lu yendeke silepe kwa kota, tuemba emba tuwele kaufela ko tu ka wela. Kono lu tuse, Mulena, kuli lubizeze katulo fa lika zecwalo, ni ku kutaza Evangeli ya Mwana Hao yomunde, Jesu.

⁴⁰ Mulimu, lumeleza sika se si ka nga sibaka ni ku nyunga muleneñi wo kwa Mubuso wa Mulimu. Kuli, nihaiba likeleke, ze sweli kuzamaya cwalo fa makozwana, ni ma membala baba likani, O Mulimu, mi likeleke zani litale ni ku fufula ka lika zende, za mufuta wa kale, sicaba se si kenile, se si pepilwe sinca. Lumeleza cwalo, Mulena. Mi lu amuhele ancafazo, ya mufuta wa kale, ancafazo ye lumilwe ki Mulimu le li ka nyunga fela kuzwa neku leliñwi kuya kwa muleneñi omuñwi, kuzwisa butimani kaufela. O Mulimu, usike wa lufa mukopano o mutelele kufitelela tikanyo. Lufe ancafazo ye ka kwala miyaho ya macwala, mi yani ikaba lika ze lukile; ni kueza sicaba kuli si tahe, mi mulangu wa keleke ha u lila, ba kone kumatela kwa aletare ni kulapela kutazo ya mukutazi i si ka fela kale, ni kuitukisa. Mulimu, lumeleza cwalo.

⁴¹ Cwale, busihu boo, kwa kona ku ba ba bakula, Ndate. Mi halunze lu ambola fa bakuli, kamba kuambolela bakuli, hape, Moya o Kenile ufolise mutu kaufela ya kula mwa muyaho wo. Pilisa muezalibi kaufela. Umubize akute, kwa hae, yawile kaufela azwe kwa kuyembana kwa hae.

⁴² Mi cwale Moya o Kenile ube Ona o ni zamaisa kwa tuto ye, busihu cwana. Mi cwale Ange lika za Mulimu ni kuitusisa fela

mutanga Hae fa kuba sibelekiso, mi Mulimu a amuhele kanya. Kakuli lu kupa ka Libizo la Hae. Amen.

43 Mwa timana ya 7 ya kauhanyo ya 20 ya—ya Numere, lubala cwana.

Mi MULENA abulela ni Mushe, ali,

U yo nga mulamu wa hao, mi wena, ni mwana henu Aruni, mubize kopano, . . . mu ka bulelela licwe inze ba iponela ka meto a bona; kuli li mi fe mezi a lona, . . .

44 Ni bata kuli mulemuhe kuli, “Mezi” a hae.

. . . li mi fe mezi a Lona, mi li ka ba zwiseza mezi mwa licwe: mi u ka nvisa kopano ni likomu za yona.

Mi Mushe anga mulamu o noli fa pila MULENA, mwa mu laezi.

Mi Mushe ni Aruni ba biza kopano fapila licwe, mi a li ku bona, Amuutwe. . . cwale mina balwanisi; lu mi zwiseze mezi mwa licwe lye?

Mi Mushe a nanula lizoho la hae, mi a nata habeli licwe ka mulaho wa hae: cwale mezi a zwa ali amañata, batu ba nwa ni likomu za bona.

45 Mi Mulena ange Manzwi alikani aa cwale, halunze lu kutela kwa tuto yaluna ya maabani busihu ni ku itisa ku ye, Mulimu ha lata.

46 Mi cwale, Ni bata bakuli kaufela babali mwahali mo, busihu boo. . . Cwale, Billy a si ka fa makadi a litapelo kacenu, kakuli Ni mu bulelezi kuli asike aeza cwalo. Se nili, “Zamaya fela, Billy, mi ubulelele Muzwale Cauble. Mi tuhela fela kuli. . .”

47 Ni lika nto yeñwi, kwa kanya ya Mulimu. Ni kupa fela Mulimu kuli alu tuse, kuli alufe mioyo mwa Mubuso; ni balumeli baba ka tiisa tumelo ya bona, ni ku kapahama, mane ni ha kusina sika kaufela, ba ka taha fela kupahama ni kubulela kuli, “Mulimu, Na Ku lumela, fa Linzwi.” Kona ona cwalo. Zeo kona za makalelo, mi pili, mi kona nzila yende. Yeo ki niti. Unge Mulimu ka Linzwi la Hae. Mi, haiba haukoni kueza cwalo, konakuli, kakuli, Mulimu uluma lika zeñwi mwateni, ze cwale ka limpo ni lisupo, kwa—kwa kupaka Linzwi la Hae, ku Li paka ku mulumeli kaufela.

Cwale, la Sunda, ne luna ni, “piliso ka Mali.”

48 Lunga Isilaele cwale, mwa musipili wa bona, kuzwa mwa Egepita, mufuta wa lifasi, mwa musipili wa bona kuliba kwa Palestine, yona naha ya sepišo. Ni sepa kuli ki nto yende. Na ilata fela. Bukaufi ni sunda kaufela, Na inanga fafasi ni kubala mwa Buka ya Exoda yani, haiba Ni kona, kamba ka mo Ni konela kaufela. Na i lata kakuli ki mufuta o petehile wa keleke kacenu, buino bwatani, ni ka mo Mulimu a zamaela. Mo ne i zamaezi ka

nako yani, mwa Na ezelize ka buino bwa nama nako yani, Usweli kueza cwalo ka moya. Mwabona kana?

⁴⁹ Cwale, kwani A zamaisa Isilaele, ka nama, ko ne li bonahalela, ne kubonahala ne ba zwa mwa naha yeñwi ku kena ku yeñwi ya nama.

⁵⁰ Cwale lu zamaiswa ka Moya o Kenile, ka kukena cwale mwa Naha ya sepiso. Mwa lumela kuli lu mwa musipili wa kuya kwa Naha ya sepiso? [Kopano ili, “Amen.”—Mu.] “Mwa ndu ya Ndate miyaho ki yemiñata. Kambe ne kusi cwalo, Ne ni ka mi bulelela. Ni yo mi lukiseza sibaka.” Kana ku cwalo? [“Amen.”] Cwale luna ni Naha ya sepiso ko luya kuyona, mi zazi ni zazi lu zamaya buima tuna; zazi leliñwi, ki buima tuna bobuñwi.

⁵¹ Mi ku nani muluti omutuna o libelezi kwani fapila luna, o bizwa lifu. Mi nako kaufela pilu ya luna ha i nata, lu zamaya muhato ulimuñwi bukaufi ku ona. Leliñwi la mazazi aa, i ka nata lwa mafelelezo, mi lu ka yo kena. Ni bata kuba ka nako yaka, ni eze zeni kona zaka; sina ha Ni sepa kuli mañi ni mañi mueza cwalo, busihu cwana. Ha Ni ziba kuli liteni fapila ka, mi Ni na ni ku kopana ni yona, Hani lati kuba lipyeha. Ni bata kuitateza mwa lisila la kuluka kwa Hae, ni zamaye ku lona, inge ni ziba cwana kuli Ni paka hande kuli Na Mu ziba mwa mata a zuho ya Hae. Yeo ki niti. Kuli, ha Na ka biza mwahala bafu, Ni ka bizezwa kwande ni baba pila. Mulimu ki Mulimu wa baba pila.

⁵² Cwale, hane ba zamaya mwa naha ye, ne lu fumani kuli Mulimu na ba ezelize—kuba mulelo. Na tisize puluso, ka mali. Mi lu fumana kuli, U tisa puluso, hape, ka mata.

⁵³ Ne lu fumani, busihu bwa maloba, kuli Nana ni mali a lambilwe; wo noli mufuta omunde luli wa mulumeli, kuli, ha amuhezi lifu la Kreste mwa sibaka sa hae, kipeto uba mwana Mulimu. Ukala ku ba mwa musipili wa hae.

⁵⁴ Cwale, taba yetatama ya lukela kuba ni...kasamulaho amano piliswa, ka moya.

⁵⁵ Cwale, lifu la ngunyana yesina mulatu neli bupilo bobu lukiselizwe mulumeli ya na fumanwi ni mulatu. Hanili woo ki mufuta o munde cwale? Lifu la Yasina mulatu, kutisa Bupilo ku ya na ni mulatu. Mi lifu a yasina mulatu yena Kreste litisa Bupilo ku luna bo kamilatu.

⁵⁶ Cwale, pili, he, kasamulaho Mulimu amano mu fa bupilo ka mali, ni ku bonisa, kuli lifu ne li mu fitelezi, A kala ni bona mwa musipili wabona. Lu ka kopana ni bona kasamulaho nyana.

⁵⁷ Cwale mulemuhe, cwale, taba yetatama yana ezize Mulimu, ba sa ba fela balumeli ni bana, mi ba amuhela Mulimu, sila sa lifu la nama sa ba latelela mwa mulaho. Mi a ba swasa, ona fani; neku leliñwi kuna ni lihalaupa; Liwate Lelifubelu kwa neku leliñwi; malundu kwa neku leliñwi; Mpi ya Faro inge i taha, i ba matisa, masole bolule lule inge bataha bacaula, ku to ba koma.

58 Cwale, Mulimu na bonahalisize kuli Na bafile bupilo, ka lifu la ngunyana; cwale Uka ba bonisa ka kuliululwa kwa nama. Haleluya! Mwabona, bubeli bwa puluso ni foliso, mwabona, ku mutu wa nama ni mutu wa moya.

59 Lingeloi la lifu la fita, kubonisa kuli Mulimu na lukisize nzila ya kusaba ka yona, ka sitabelo sa mali, mi ba si amuhela. Cwale U ka lukisa nzila ya kusaba ka yona kwa lifu la nama.

60 Inge mulumeli, amano piliswa fela. Mwendu kansa i mu cile, kamba butuku bobuñwi cwalo. Mulimu una ni puluso, hape, ka mata. Ki nto yeswana sina Mwa bezi ni puluso ya moyo, Una ni puluso ya mubili. Ne li . . .

61 Ne ba pilisizwe, mi ne ba keni mwa mupato. Nebali mwatasa mali, kono, niteni, Faro na ka . . . Sila na ka ba sinya, a ba bulaya kaufela bona mwa lihalaupa mwani, mi Mulimu a bonisa mata a Hae a puluso ya mubili wa bona. Mwa utwa nji? Mwa ziba ze Ni ambola? [Kopano ili, "Amen."—Mu.] Puluso ka mata! Mi he, sila hana li bukaufi ni bona, ona Siita sesituna sa Mulilo sa taha kuzwa mwa Isilaele, ataha kubona mi mwahala bona ne ku yemi lifu.

62 Ha li nwele ka mizuzu yelikani. Kana mwabona se Ni bulela? [Kopano ili, "Amen."—Mu.]

63 Cwale, ku mulumeli kaufela, mwana Mulimu ya pepilwe sinca, haiba lifu litaha ku to uzwa fa sikwalo, ka buino bwa kuitahanela nako isika fita kale, Lingeloi la Mulimu liyema mwahala hao ni matuku. Cwale, haiba u bata ku matela ku yona, wo ki musebezi wa hao; kono hau lukeli kuba cwalo. Mwabona? U yemi mwahala hao ni lifu.

64 Lilimo ze mashumi amabeli ka zetaalu kwa mulaho, mwa Sipatela sa Sijuda, Dr. Morris Fletcher na ni file lihola zetalu; alimuñwi wa bapazuli ba ba bukwala mwa muleneñi mo, na ni file lihola zetalu zakupila. Na pila, busihu boo. Haleluya! Kiñi? Ka sishemo se si ipitezi, Lingeloi la Mulimu la yema mwahala ka ni lifu, ku ni sileleza, mi Na Li amuhela. Mi ka buitumelo, ka muhau wa Mulimu, Ni winezi mioyo ye likana licika la milioni ku Yena, busihu cwana.

65 Oh, mo Mulimu azibela mwa kuezeza lika, haiba lu kona fela kulatelela. U si ke wa lika ku zamaisa Mulimu. Mulimu ibe yena ya ku zamaisa. Mwabona? Ki luna baba lukela ku zamaiswa. Ni sepa kona Mulimu za lu swaniseza kwa lingu.

66 Kana mukile mwabona fateni ngu ye latehile? Kiñi, kona simunanu se si ziyelehezi mukwazo mwa lifasi. Haikoni kuziba kwa kuya. I ka yema fea inge ilila kufitela sitongwani si icela yona, kamba i ka ishwela ona fani. Haikoni kufumana nzila ya ku kuta ka yona.

67 Mi yani kona nzila, kuli, mutu ha latehile, hana sina tuso. Hakuna se mukona kueza ka sona. Mulimu, ka sishemo, una ni

ku ku isa ku Kreste. Jesu naize, “Hakuna mutu yakona kutaha ku Na konji kuli Ndate a Mu bize. Mi kaufela Ba biza, mi ba taha, Ni ka mufa Bupilo bobusafeli.” Ha ki sepiso ni yeo!

⁶⁸ Oh, Ni lakaza kuli kambe Ne ni ka ba ni mutu kaufela mwahali mo, zeo ne li ka nwela mwatasa likupo la kwa nzohoto, kufitela li nata fa hala pilu luli. Ne mu ka bona batu ha ba nanuha, ni matuku a mifuta kaufela inza li ku bona, ba zwela fande a muyaho wo, inge ba nyakalala, ni kuhana ku ba ni matuko ao. Lianga ne li ka zamaya fela hande mo likonela kubela. Ne ba ka hana kuziba sika kaufela. Mwabona?

⁶⁹ Wa saba. Wa saba ku kalisa lika. U libelezi kuli Mulimu atahe ato ku hoha mwateni. Mulimu ha ezangi cwalo. Ki wena ya lukela ku ba ni muhato. U fanga sepiso, ni kubulela kuli, “Kifo taha,” kipeto wa latelela.

⁷⁰ Cwale mulemuhe bana ba Isilaele, kanti. Mulimu ataha ku to yema mwahala bona ni sinyeho; mata a puluso. . . puluso ka mata, nitaluse. Puluso ka mali; puluso ka mata.

⁷¹ Maabani busihu ne lu ba siile, inge ba hohobela fela fa likamba, kwa neku leliñwi la Liwate Lelifubelu. Lila kaufela, mawili a zona na kumuzwi kwa koloi. Lipelesa za bona za saba, za matela mwahala nuka, mi ne li kuta kwa maneku kaufela, inge liya neku *le*, mi mawili a comoha kwateni ku kakatela mwa sileze ni kucomoha. Mi baana ba bañata ba mata ka sabo yetuna, kusaba sila. Mi Isilaele apahama fa likamba, kuli abone Mulimu a otolola lizoho la Hae ni kusinya sila kaufela.

⁷² Mufuta omunde, mulumeli, mwatasa Mali; ya sa folisizwe cwale ki mutu ya yema mwahali, mata a Mulimu inza bandusa bupilo bwa hae, ku mu ekeleza nako kwa bupilo. Ne ba kaba kuli, mañi ni mañi, na ka bulaiwa ona fani; na ka ba kankaula ona mwa lihalaupa mwani, kambe Mulimu na si ka ba yema mwahali. Ne ni ka shwa, kale kale koo, kambe Mulimu na si ka yema mwahala ka ni lifu. Mulumeli kaufela mwahali mo na ka be a shwile, kale kale kafoo, kambe Mulimu na si ka yema mwahala mina ni lifu; mañi ni mañi wa mina. Kacwalo, Mulimu, ka muhau wa Hae o ipitezi ni sishemo, uyema mwahala mulumeli ni lifu. Haleluya!

⁷³ Ki se fa. Kona kuli ki sikamañi se si tatama ku mulumeli? Nto yetatama ki kolobezo ya Moya o Kenile kanti. Mushe a zamaisa bana ba Isilaele ku yo punya kwa Liwate Lelifubelu, ba kolobezwa mwa Liwate Lelifubelu. Liwate, mezi, a yemela Moya. Ha to nata Licwe, mezi a zwa. Mi neli mufuta wa Kreste, mwa Joani 3:16. “Mulimu na latile hahulu lifasi, A fa Mwana Hae wa libanda, kuli kaufela ya lumela ku Yena a si ke ashwa, kono a be ni Bupilo bobusafeli.” Mulemuhe, sicaba se si shwa, mwa lihalaupa, ne si piliswa ka Licwe le li natilwe. Mi sicaba se si shwa sa piliswa kacenu (kushwela mwa sibi, kushwela mwa

bumaswe) kakuli Mwana Mulimu ya natilwe na ngile sibaka sa bona; mezi, Moya, na zwile!

⁷⁴ Mutalime, Ni bata kuli mu li bone cwale, ha ne ba fita mwa Liwate Lelifubelu, neli mufuta wa kuamuhela Moya o Kenile. Kasamulaho mulumeli amano liululwa kwa lifu, kutaha kwa Bupilo; mata a Mulimu a folisize mubili wa hae; cwale ki mutu ya itukiselize kolobezo ya Moya o Kenile. Cwale una ni musipili, kwabuse, fapila hae; kono, a si ka kopana kale ni musipili wani, una ni kuba ni sesiñwi se si mu lwala. Amen. Mufuta o petehile wa Pentekota!

⁷⁵ Mulemuhe, hane ba hohobela fa likamba. Mulumeli kaufela, ha u taha mwateni mi u pilisizwe, u amuhela Mali a Jesu, u sa swalelela ku *se* ni kuswalelela ku *sani*, mi u palelwa kutuhela se ni kupalelwa kutuhela *sani*. Kasamulaho nyana, Mulimu wakona ku ku ezeza lika zende; kono u palelwa ku tuhela makwai a hao, u na ni kunwa kacwala nyana fa ni fa ni balikani ba hao fa ni fa. Kono so tokwa kueza ki kufita mwa Liwate Lelifubelu.

⁷⁶ Ha ba yo taha kwa neku leliñwi. Ki se fa. Ni bata kuli mu si bone. Hane ba taha kwa neku leliñwi, banze ba hohobela fa likamba ni kutalima kwa mulaho, ni kubona ba zamaisi ba batanga bani be ne ba ba natakanga, ba bulaile babañwi ba bona. Kuswana fela sina mishanga ni makwai ni macwala ni lika zeñwi kaufela, ze sitanisa banana, ku ba luma mwa libaka zetokomela baba takani, ni lipatela, ni sikwata sa libangoki ni lika zeñwi kaufela ze fumaneha mwa lifasi. Hane ba talima kwa mulaho ni kubona lika zani kaufela inge li ikataza, kutundana, ni kushwela mwa liwate. Muzwale, mubulela ka mukopano; neba na ni ulimuñwi!

⁷⁷ Mushe! Oh, Ni ka tuhela kuli se si nwele. Ni sepa kuli si ka ya mwatasi. Mushe, mupolofita yomutuna hahulu yakile apila, kwanda Jesu Kreste. Kwali kuba kube mutu yo Mulimu akile abulela ni yena, sina mwa Na ezelize ku Mushe, kwanda Kreste. Na ize, “Haiba kuna ni alimuñwi wa moya, kamba mupolofita, mwahala mina, Ni ka mu bonisa lipono ni ku itibahaza ku yena. Kono isiñi mutanga Ka Mushe; Ni bulela mulomo ka zebe ni yena.” Yeo ki niti.

⁷⁸ Mushe, yena muuna ya zibahala yoo. Ha na ilo fita mwa kutwisiso yani, a bona bazamaisi ba batanga bani kaufela ba shwile, a ziba kuli lika zani kaufela ne se li icongile kuyakuile ka nako yani. Lika zani kaufela ze ne ba zamaisa, ni ku ba lindaula, ni ku ba shapaka kwa ni kwa, ne se li felile. A nanula mazoho a hae ni kuopela mwa Moya. Oh, mawi!

⁷⁹ Ha li si ka swaniswa, mi halina kuba cwalo, konji ha lu ka yo fita kwa Kanya kwani. Kufeleleza ha ne kuezizwe kwani, a opelela mwa Moya. Mi cwale ha lu liuluzwi mwa mubili. . .

⁸⁰ Wani neli mufuta wa Moya o Kenile ono taha kwa Pentekota, hane lu to fita mwa liwate. Neli mufuta wa Pentekota. Mi Mushe,

mwa mufuta wa usili-. . .mwa mufuta kwa mulaho kwani, ha na fitile ku zani, a opela mwa Moya. Ne li tile ka Lizazi la Pentekota. Mi cwale mubili ha u petahalile, u liuluzwi. . .Cwale moyo wa luna u liuluzwi, kiniti, “haukoni kushwa; una ni Bupilo bobusafeli.” Se ibulela Bibe!e!

⁸¹ Oh, Ni ikutwa hande. Mulemuhe libaka. Kakuli Ni ziba kuli SA BULELA MULENA KISONA. Kubeya fela moyo wa ka kwani, ni kuzwelapili, ni kubulela kuli, “Satani, wa koshobota mo batela kaufela, ku na. Ha li ni bilaezi, kakuli Ni ziba ye Ni lumezi ku Yena, mi Ni na ni sepo ya kuli Uka kona ku buluka se Ni file ku Yena ka Lizazi lani.” Amen.

⁸² Se lutokwa busihu bwa kacenu ki ancafazo yende, ya mufuta wa kale, sina Billy Sunday, ko batu ba ka lila, ka haleluya yeipitezi, kona ze lutokwa kwa Louisville kwanu. Yeo ki niti, lutokwa ancafazo yende, ya kale, ye lumilwe ki Mulimu. Eeni, sha.

⁸³ Mulemuhe, cwale, mibili yaluna ha i liuluzwi. . .Mane, luna ni foliso ya Bumulimu cwale, ka kuba muluti.

⁸⁴ Sina wani haneli muluti kwani wa Pentekota, mutalime sene ba ezize mwa nako ya muluti, wa puluso. Mutalime mo ne ba zamaezi kwani fapila Mulimu, “Ba tima ni. . .buhali ni cwalo. . . bwa mulilo, mi ba saba buhali bwa lulimo,” lika ze kaufela ze ne ba ezize, “ba zwa mwa buhali bwa mulilo; ni mwa misima ya litau, ni lika kaufela,” ka muluti, haleluya, ka muluti wa Pentekota.

⁸⁵ Cwale luna ni piliso ye petehile ka Mali a Krete. Ne ba sa koni kuba ni puluso ye petehile ka nako yani, kakuli neli mwatasa mali a lipoho ni lipuli, mi ne i sa takuli sibi; ne i apesa fela sibi. Kono cwale Mali a Jesu ha na suluhile, ona Mali a kenile hahulu, libi ne li si ka apeswa ni kamuta; ne ba hanilwe ni kufela, mi mulumeli uya Fapila Mubupi wa hae. Haleluya!

⁸⁶ Haiba ne ba ezize cwalo ka nako yani, muluti wani, wa Mushe inza opela mwa Moya; mi, mwani mwa Sinulo, bona babana ni piliso ye petehile ya mubili, ne ba yemi fa nuka ya siiponi ni kuopela pina ya Mushe hape, mwani mwa Buka ya Sinulo.

⁸⁷ Mubulela ka za—za mukopano wa Moya o Kenile? Neba bile ni ona hane ba fitile fa likamba lani. Muteeleze, kezeli. Yena Miriame yomunyinyani, mupolofita wa musali, kezela Mushe, mupolofita wa musali, na tabezi hahulu kufitela a yo swala kambuli ni kumata mata fa likamba, a liza kambuli ka, ni kubinela mwa Moya. Ha ki zeo fela, kono bana ba basizana kaufela ba Isilaele ne ba mu latelezi, inge ba binela mwa Moya. Haiba nji wo ha ki Moya o Kenile o suluha, Na li kuba ni bone ulimuñwi kanti. Kiñi, eeni sha, bona, ba tokomeli ba sizo bani, linaha ze ipitezi ne li ka talima mwa lioponi za zona ni kubona sani, ne ba kali, “Bafitelezi ba tumelo.” Kiniti. Kono neli Mulimu. Kiniti!

⁸⁸ Lika ze zibahala luli linyanyifaza ka kutalima fafasi, kacenu, ku sa fuyozi Mulimu. Kiniti!

⁸⁹ Si ni hupulisa likande. Mutangana nana ni simu yetuna yende. A yaha matuli amande amatuna, ka bunde luli mwa na konezi kaufela, kono na li njimi ya buzwa. Ku lukile. Nekuna ni mulimi yomuñwi yana pila bukaufi ni yena; yena na si na lituli lelituna cwalo, kono awa na li njimi ya kwani hande, mi na beile lico zende mwa sishete sani mwaha wani. Mi tunamani nyana to tubeli twa pepwa, kalikañwi mwa mo mi kakañwi ku sesiñwi. Mi nako ya litabula ha i taha, ba fungulula tunamani twani ku zwa mwa sakana.

⁹⁰ Namani nyana yani kuzwa mo, ne se i fepilwe hande luli, mawi, cwale moya wani ha ukala ku i nata, oh, mawi, ya lahaka milezele, mi ona cwalo ya ikela, ka tata fela mo ne i konela; ya futa moya mwa lingo, ni kutulaka, ni kulahaka milezele, ni ku takisa.

⁹¹ Mi cwale njimi yomuñwi a tamulula ya hae, kulo kwani. Ne—ne isina sa kuca kwanda bucwani; nana ni buzwa ku ilimela lico, nana ni buzwa kuifa lico.

⁹² Si ni hupulisa babañwi ba balisana baa. Kiniti! Kiniti! Ba buzwa luli! Kinto ye nyinyani. Mi ki mashete a likani fela kona o munani kihona. Mubeye lico mwateni za namani! Kiniti. Kiniti. Kolobezo ya Moya o Kenile, ye kutazwa ka mata, ika ba cisa. Yeo ki niti. Kono sani kona se ba tokwa, ki mukwa wa kale o cisa; se i tokwa keleke, se ba tokwa ma membala. Mulemuhe.

⁹³ Mi namani nyana ya kale ye ne sinyizwe. Kanamani, kakanyinyani ka zwa mwa sakana, neli ka ka sisani maswe mane ne ka palelwa kuzamaya. Mi a talima mwa mwandala, ni kutalima fande.

⁹⁴ Mi abona namani yeñwi yani inge i futa moya mwa lingo. Ne li yekima ye likanelela. Ne i kutwa hande. Ne isweli kuca mwa nako ya maliha kaufela.

⁹⁵ Mi namani yeñwi yani ye ne inanga ni tala ya talima, yali, “Bufitelezi bwa tumelo bobu cwalo!” Mawi! Luli, ne i otelezi maswe kuli inahane nto isili.

⁹⁶ Kono, Na mi bulelela, yani ye ne nunile hande, nako ya maliha kaufela, muzwale, ne i ziba fo ne inzi. Ne ina ni nako yende moya o futumala wani ha u kala ku i nata.

⁹⁷ Mi mutu kaufela ya pepilwe ka Moya wa Mulimu, ba ka mu biza mufitelezi wa tumelo kamba nto isili kaufela. Kono cwale mufutumala wani, wa mbumbi, moya o Kenile ha u kala kutaha inge mo ne U ezelize ka Lizazi la Pentekota, kuna ni se si ka ezahala. Kiniti. Moya o futumala u kalisa kufuka; muzwale, kaufela u nunisizwe ki Evangeli, mane so li ya likanelela ni kuikutwa hande. Lahaka mahutu a hao mi ube ni nako yende.

⁹⁸ Cwalo kona Miriame ni ba bañwi mo ne ba ezelize. A talima kwa mulaho ni kubona lika za kale zani kaufela ze ne ba ezanga nako yeñwi, ne se li shwile kaufela ni kufela. Ne se ba boni kale Mulimu ha amuhela mali; ba bona mata a Hae mwa foliso ya Bumulumu, inza yemi mwahala bona; ba taha mwa Liwate Lelifubelu, mi ba kolobezwa ka Moya; ba zamaya kwa neku leliñwi, inge bana ni fela nako yende. Ne ba si ka izeza ngana ku zeo . . . likopano kaufela ne li hupula ka zona. Amen.

⁹⁹ Ha ki mufuta o petehile ni wo kacenu, wa mulumeli ya ka nyamatala ku zwela kwande.

¹⁰⁰ Mulimu u sepisize kuli Ukafa ze ba tokwa kaufela. Na sepisize kuli Ukafa ze lutokwa kaufela. Na si ka ba bulelela kuli, “Ni ka lukisa nzila ya foliso; Ni ka lukisa nzila ya se; Ni ka panga nzila ya *sani*.” Na ize, “Ni ka ba ni mina!” Haleluya!

¹⁰¹ Sani kona sa Na lu bulelezi. “Ni ka ba ni mina, mane mwahala mina, kuisa kwa mafelelezo a lifasi.” Kona fela ze Ni lukela kubulela. Ha u lukeli ku kanana ni *se*, *sani*, kamba *sesiñwi*. Haiba Uteni mo, seo si ka ni kulisa; Foliso ya bumulumu iteni mo, Mata ateni mo. Lika kaufela za Na li zona kwani, Yena usali cwalo ni nako ye, “Jesu Kreste wa swana maabani, kacenu, ni kuyakuile.” Kacwalo, mwakona kunga lituto za mina za bulapeli ni ku li tiba ni zona. Muzwale, Ni lumela kuli Jesu Kreste ki ya swana maabani, kacenu, ni kuyakuile; ali, “Ni kaba ni mina, mane mwahala mina, kuisa kwa mafelelezo a lifasi.” Eeni.

¹⁰² Mi ki ha ba zwela kwande, mi Nali ni bona. Cwale ki hali. . . Oh, nebana ni sizuma nyana sa sinkwa fa litoho za bona; ne si cilwe kaufela mi sa fela. Ne ba sina ni yekana. Ba yo lobala, inge ba lapili nyana busihu bwani. Kono kakusasana habusa ha ba yo zuha, nekuna ni sinkwa sene si beilwe fafasi.

¹⁰³ Cwalo kona Mulimu mwa ezezanga lika; ku mi lumeleza kutaha fa muzuzu wa mafelelezo, mi ni ku mi bonisa Sa kona kueza ka sona. Yeo ki niti. U lata kuezanga cwalo. U lata kueza cwalo. U lata ku komokisa sicaba sa Hae.

¹⁰⁴ Wena muuna u tabela kueza musala hao cwalo. U libelela kufitela kupepwa kwa hae, ku mubeya fela mwatasa ku akaleza, kakuli wa mu lata.

¹⁰⁵ Ki kabakaleo Mulimu ha lu lumeleza kutaha kwa mafelelezo a nzila fokuñwi, kakuli Wa lu lata mi ubata ku bonisa za Hae za buipiteli ni mata a Hae. Kakuli Wa lu lata, kona libaka Ha ezanga cwalo. Eeni. U lu lumeleza fela kufita fafasi fa sibaka fo lubata kuba ni muhato wa mafelelezo, mi ki Ha taha mwa sibaka.

¹⁰⁶ Na tuhelezi bana ba Siheberu kukena mwa mulilo o sabisa, kono ne kuna ni Muuna wa bune yana yemi mwani ni sifukiso sa moya, inza u zwisa ku bona. Mwabona? Yena kamita uteni.

Ha shimbulukangi. Yena kamita ufa kaufi. “Lingeloi la Mulena li inanga ku baba Mu saba.”

¹⁰⁷ Kwani, busihu bwani, neba nopile sinkwa sani kakusasana lelitatama. Na kona kubona Maisilaele bani bene ba fitile mwa Liwate Lelifubelu; ne se ba liuluzwi fela ka mali; ni bona Mata a foliso ya Mulimu, kamba Mata a makaza a yemi mwahala Mulimu. . . ni mwahala Isilaele ni Egepita; mi na tibisize lila kwa mulaho kwani.

¹⁰⁸ Inge kansa ya kale mo i felela kuyakuile, bubofu ne bu felile, bushushu ne bu felile, butuku bwa shuka ne bu felile, lika kaufela ne se lifelezi kukena mwa bulika bwa Mali a Jesu Kreste. U i kutwa cwani? Mawi!

¹⁰⁹ U zamaya mwa mukwakwa, mi muhanyezi yomuñwi wa mucembele ali, “Cwale libelela fa muzuzu! Kana wa kolwa hande zona zeo?”

“Usike wa bulela ni na.” Amen. Oh, mawi!

¹¹⁰ Na ba bona kwande kwani, inge ba kopana fela ni ku kopana hamoho, ni kuca, ni kuba ni nako ye kanya. Inge fela mukopano wa kale, wa Moya o Kenile. Ku ka taha Moya wa Mulimu kutaha ku muhalalehi yomunyinyani, ya ka fita ku yena; ku kena mwa pilu sina cwalo, ni kuhuwa kuli, “Kulumbwe Mulena!” Mukopano fela wa mufuta wa kale cwalo. Eeni, sha. Ne ba sweli fela ku li swala kwa neku leliñwi kuisa ku leliñwi, inge bana ni nako yende.

¹¹¹ Cwale, sinkwa sani ne si si ka fela. Ne si ile mwa musipili kaufela, ni bona. Yeo ki niti. Mi neli mufuta o petehile wa pentekota ku luna. Zani ne li mwa nama. Sinkwa sani ne si si ka fela. Ne li sinkwa se si swana ona cwalo, kufitela ba kena mwa naha ya sepiso. Kana ku cwalo? Mina babali ba Biblele mwa ziba cwalo. Mi cwale ha lu. . .

¹¹² Keleke ya kakulwa ka Lizazi la Pentekota, balumeli ha ne ba li kwani. “Mi kwa taha mulumo o swana sina moya wa liñunwa o mata, wa tala ndu mo ne bainzi.” Ona Moya o Kenile oswana ono wile ka nako yani, wa suluha cwale. Uka zwelapili kuzwa ka nako yani kuisa kwa mafelelezo a nako. U ka zwelapili ona cwalo. Ki sinkwa sa luna. Ne ba fepilwe ki sinkwa sa nama; luna lu fepiwa ka sinkwa sa moya.

¹¹³ Jesu naize, “Kina Sinkwa sa Bupilo se si zwile ku Mulimu, kwa Lihalimu.”

¹¹⁴ Se bali, “Bashemi ba luna ba cile manna mwa lihalaupa, ka nako ye likana myaha ye mashumi amane.”

Ki hali, “Bona, mañi ni mañi, ba shwile.” Eeni, sha.

¹¹⁵ “Kono ya ca nama ya Ka ni kunwa Mali a Ka, una ni Bupilo bobusafeli, mi Ni ka mu zusa ka lizazi la mafelelezo. Kina Sinkwa sa Bupilo se si zwile ku Mulimu, kwa Lihalimu. Haiba mutu uca kwa Sinkwa se, haana kushwa.” Ki fo he cwale. Neba

na ni za nama; luna ni za moya. Oh, Ha ni koni ku li cincanisa ni sika. Kihande!

116 “Oh,” mu li, “Muzwale Branham, kaufela luna lu ziba kuli u fitelezi mwa tumelo.” Kihande, Na ziba, nina. Na ni sikuba sa Kreste. Wena u sikuba sa mañi? Wa kona kuba sikuba sa diabulosi. Ku lukile. Kacwalo, Ni tabela kuba sikuba sa Kreste, mina boo? Ku lukile.

117 Mulemuhe, ki ye taba yeñwi ka manna yani. Hane ba kalile ku tamuna, se bali, “I utwahala sina linonsi.” Eeni, neli zemunati. Na bona balumeli ba kale bani ba imyanguta fa milomo ni kufunjela ku koomeza. Neli zende luli.

118 Kana mukile mwa tatuba *Se? Se* ki sesinde, hape. Naize, “Mu lazwe mu bone, kuli Mulena ki yomunde. Li utwahala sina linosi mwa licwe.” Ni bile ni bulelanga manzwi a, linako zeñata. Kuli, fani Davida wa kale, yana bulezi cwalo mwa Lisamu la hae, ali, “Li utwahala sina linosi mwa licwe.”

119 Davida, ka kuba mulisana, nana ni ka kotana kaka likani, ke ne ka lwaliwanga fa noka, mi ne ba lwalanga linosi nako kaufela mwateni. Balisana ba kale ba sa eza cwalo, niteñi, mwa—mwa Palestine. Mi cwale—cwale haiba ngu ya hae ya kula, kipeto, taba yapili mwa ziba, u kenisa lizoho mwa mukotana ni kuzwisa linosi, mi ulinga ni ku li lamba fa licwe, licwe le lina ni bupi bo busweu. Mi ngu i ka lwaza linosi lani, mi i yo kala kulwaza linosi lani fa licwe. Mi kuna ni sesiñwi ka za licwe le lisweu lani ze ka folisa ngu.

120 Mi Na mi bulelela, luna ni mukotana tuna o tezi linosi busihu boo, mi lu ka li beya fa Licwe, Kreste Jesu. Mi lingu ze kula ha li yo lwaza, una ni kuba hande. Yeo ki niti, lwaza fela, lwaza, lwaza. Mi ha usweli kulwaza linosi cwalo, kupalañi, uka amuhela bupi bo bufiwa ki licwe lani. Kona fela mo kuinezi ka taba yateni. Cwale, haluna ku li beya fa keleke. Lu ka li beya ku Kreste, fo li swanela kuba. Yeo ki niti. Kakuli, foliso ki ya Kreste, amen, inge mbuyoti yeñwi kaufela ya piliso. Mulemuhe.

121 Mi nto yeñwi. Sani ha si kala kuwa, Aruni na laezwi kuzwela fande ni kunga omere yetezi ya sona.

122 Cwale, ha ne balika kubuluka sinkwa kufita kwa lizazi lelitatama, ne si sinyeha kushasha. Mi kona kona mo liinezi ni mwa sikwata sa batu babatezi Moya o Kenile busihu cwana. U lika kunahana kuli, “Kihande, myaha ye mashumi amabeli kwa mulaho, ne lu na ni liñusa lelinde. Ne luna ni—ne lu na ni nako yende.” Kiñi se muna busihu boo? Yeo kona taba. Bana . . .

123 Ne i wa busihu ni busihu. Ne i si ka palelwa kuwa neba nako iliñwi, konji fela—fela la Sabata. Yeo ki niti. Mi cwale Mulimu u i lumezi kuluna, ili yenca, busihu ni busihu; zazi ni zazi, hola ni hola, ya wa.

124 Mulemuhe, li omere ze tezi zani ne li bulukiwa. Ki hali, “Cwale, amutalime, ha mu taha mwa naha, mi bana ba mina ba kala kubuza litaba ze. . .” Ali, “Muprisita kaufela cwale ya taha mwa buprisista, kasamulaho amano ba ni tumelelo ya kutaha kwa sibaka se Sikenile, ni zeñwi cwalo, ni ku beiwa, fa buprisita, kona kuli una ni tukelo ya kukena mwahali ni kuca kutaza mulomo ka manna ya pili ye ne wile kwa simuluho.” Yapili luli ye ne wile, ne ba i nopa ni ku ibeya mwa tubana yebizwa omere, ni ku ibuluka, mi ne i bulukelwa baprisista.

125 Cwale mu li, “Muzwale Branham, ki mufuta mañi wo lina ni kacenu?”

126 Kiñi, ki luna buprisita. “Mina mu na ni lusika lwa buprisita bwa silena, naha ye kenile, sicaba se si ipitezi, se si fa litabelo za moya ku Mulimu, miselo ya milomo ya mina ku fa buitumelo kwa Libizo la Hae.” Amen. Ki zeo foo. Cwale, he, ka Lizazi la Pentekota, fani Moya o Kenile ha u suluha; manna ya luna.

127 Cwale, muprisita kaufela kwa mulaho kwani, mwatasa Testamente ya Kale, ha ba taha ku to ba baprisita, ne ba ziba kuli ne ba kaba ni kuca manna kutaza milomo yabona; isiñi ye ezizwe ki mutu, ye ezizwe ki mutu ka kubonahala fela inge yona. Kono ne ba ka nga yeñwi ya makalelo.

128 Kihande, ka Lizazi la Pentekota, maana ya luna ha ikala kuwa, Moya o Kenile wa taha sina moya wa liñungwa. Nekuna ni sikwata nyana sa batu, baba zibahala hahulu, baba mwanda ni mashumi amabeli, mwa ndu ya fa halimu; minyako ya kwaliwa, mahaulo fafasi, bali kuina kwa mulaho kwani, inge ba libelela sepiso. Eehe, ne ba bile ni Jesu, luli. Ne ba ziba mata a Hae, ni zeo kaufela, kono ne ba libelela sepiso.

129 Seo kona se lu bata busihu boo. Ku ba. . . Haiba sikwata sa batu se sikona ku ba mwa buñwi, inge mo ne ba bezi ka busihu bwani, nto yeswana i ka kutela busihu bo, ona mwa muyaho mo, mwa Louisville, Kentucky, sani ne si kutezi ka Lizazi la Pentekota. Yeo ki niti. Oh, eeni sha, neba banga ni bahanyezi ba ba swana ni bo lunani mwa Louisville mo sina kwani. Kono, kaufela bona nebali mwa sibaka silisiñwi, mwa buñwi. Mi ka nako iliñwi fela. . .

130 Kwa taha mukutazi, mi na na ni liñolo, mi ba ñola mabizo a bona ni kuba ni tukuluho ya kopano, ni ku kena mwa kopano ya keleke? Zeo za kona kuba kacenu, kono zani ne li si ka nako yani. Cwalo kona mo ba ezeza Baipanguli. Ba Katolika ba taha kwa katala ni kunga mulalelo wa bona wa pili; ba labula lulimi lwa bona, ba ku amuhela silalu; mi muprisita inza nwa veine. Mi uba ona cwalo.

131 Kono, muzwale, “Ka Lizazi la Pentekota, ne ba li mwa buñwi, mwa sibaka silisiñwi, mi ka nako iliñwi fela kwa taha mulumo o zwa kwa Lihalimu,” mutu na si na sa kuezwa ni Sona, “inge moya wa liñungwa o mata. Wa tala ndu kaufela mo ne

bainzi.” Mata a Mulimu a ba wela! Mwa mikwakwa ki bao ba ya, ba eza inge sikwata sa lipulumuki; inge mo ne ba ezelize kwani ha ba fita mwa Liwate Lelifubelu. Ki niti yeo? Ba huwa. Ba zwelapili. Ba tantalika. Ba ñuñuna ka milomo ya bona.

¹³² Bona, oh, ki kuipa ko ku cwalo, mina . . . kufitela sicaba, yona keleke ye zibahala, ne ba yemi kwa mulaho ni kubulela kuli, “Sicaba se si kozwi veine yenca.

¹³³ Haleluya! Ni ka ni biza kuli “mupikuluhu ya kenile,” nihakuli cwalo, kacwalo wa kona ku kalisa cwale. Ku lukile.

¹³⁴ Mutalime, ne ba talizwe ka Veine yenca, yeo ki niti, Veine ye zwile ku Mulimu, mwa Lihalimu. Kana mukile mwabona mutu ya kozwi bucwala? Yena u seha seha ni mutu kaufela, mwa bona. Haana taba. Cwalo kona mwa inezi mutu ha kozwi ka Moya. Bibeke i bulezi kuli, “Mu si ke mwa kolwa bucwala, fo kuisa kwa buhule, kono mutale ka Moya.” Moya wa Mulimu u kueza kuba ya kozwi, ulibala lila za hao kaufela, ni lika kaufela. Mañi ni mañi u mwa lilato ni wena. Haana taba ka ya yemi bukaufi ni wena. Ki wena muuna yomutuna hahulu mwa naha ona foo.

¹³⁵ Hanina taba kamba muyaha mabapa ni yena, ya inzi bukaufi ni wena, uya kwa keleke yeñwi ye zibahala; utuhele fela Moya o Kenile utahe ku wena nako yeñwi, ubone se singa sibaka. Ba hande, ube hande ukolwe zangana, u ka bona se si nga sibaka. U ka li, “Kezeli, Ni na ni Sona! U ka Si lata, mane!” Yeo ki niti. Eni, sha, ku na ni se si kanga sibaka.

¹³⁶ Nebali kwani, kaufela inge ba kozwi ka Veine yenca. Mi, amuteezeze, babañwi ba mina likezeli mo, kana mwa ziba kuli Maria ya fuyozwi na liteni mwani? Cwale, nana ni kuya kwani. Mahe Jesu Krete nana ni kuya kwani ku yo beiwa mwa sikwata sa batu sani, na kozwi hahulu ka Moya kufitela atantalika inge ya kozwi ka bucwala kamba zeñwi ze kola.

¹³⁷ Mi u nahana kuli u ka fita kwa Lihalimu ka kuicocomezwa mwa keleke ni kulwala buka ya hao ya lipina mwa liñafwa la hao, ni ku zamaya cwalo Sunda ni sunda kakusasana, mulangu ha u lila, ni kuina ni kuteezeza ku zeñwi za . . . ni kukuta kwa mulaho? Hauna kueza cwalo.

¹³⁸ U swanela kutaha kwa nzila yani, kakuli yani kona nzila fela yeo Mulimu a lukisize, ni ki yona yelukile linako ze kaufela. Mi u ka zamaya ku yona, kamba hauna ku yona Kwani. Ha ni muatuli wa hao, kono Ni kutaza Evangeli. Yeo luli kona Niti. Mwalanjo ya fuyozwi nali teni kwani, aeza ka bukuba inge babañwi bani mo ne ba ezeza, na kozwi fela mane inge babañwi bani kaufela. Baana ba ni basali, mañi ni mañi wa bona, na kusi Veine yenca. Haiba Mulimu akile a cinca tukiso yeo, supa munwana wa hao fa Mañolo uni bonise; ha li yo mwateni. Batili, sha. Neli kwa mafelelezo a lusika, ona cwalo, ku yo punya kwa mafelelezo a Bibeke, mi ikaba nto yeswana ni ha taha Jesu.

139 Talima! Hane ba kozwi ha Veine yenca cwalo, talima, lubone haiba Mulimu na beile omere yetezi ya mina kaufela. Ku lukile.

140 Ne kuna ni kaufela bona inge ba yemi kwani, ni mukutazi yomunyinyani wa lipyeha wa kale wa libizo la Pitrosi, yena “licwe nyana,” na sabile hahulu fa sibaka sa hae kufitela a latula Jesu, ni kumata ku yo lapela katata, mi akala ku kopana ni bona. Ayema fa kapongisi ka mulola kamba nto yeñwi, ali, “Kiñi, mina baana ba Judaea, ni mina baba yahile mwa Jerusalema!” Bani neli baituti ma dokota, ba ma.D.D. Oh, ali, “Mina baana . . . ni baana ba Isilaele, ni ba ba yahile mwa Jerusalema, ni zeñwi cwalo, taba ye i zibahale ku mina. Ba ha ba si ka kolwa, mo mu hupulela, kakuli isali hola ya bulalu mwa musihali. Kono se ki sona . . .”

141 Haiba se ha ki Sani, Ni bata kubuluka se kufitela Sani si taha. Yani kona taba iliñwi.

142 Na ali, “Se kona sani se ne si bulezwi ki mupolofita Joele kuli, ‘Ku ka ezahala mwa mazazi a maungulo, kubulela Mulimu, Ni ka sulula Moya wa Ka fahalimwa libupiwa kaufela; bana ba mina ba bashimani ni basizana ba ka polofita; mi fa batanga ba Ka baba sizana Ni ka sulula Moya wa Ka, mi ba ka polofita; mi Ni ka bonisa lisupo mwa lihalimu, ni mwa lifasi; ni misumo ya mulilo, ni musi, ni tukundukundu; mi kihona ku ka ezahala kuli, lizazi lelituna le lisabisa la Mulena li si ka taha kale, yo kaufela ya ka biza fa Libizo la Mulena uka piliswa.’”

143 Sicaba sa baprisita baba inuneka bani, ba mikanjo yemitelele, bali, “Lu ka eza cwani kuli lu pilisizwe?”

144 Pitrosi ali, “Mubake, mañi ni mañi wa mina, mi mu kolobezwe ka Libizo la Jesu Kreste kwa swalelo ya libi za mina, mi mu ka amuhela mpo ya Moya o Kenile.” Ku kanga nako yekuma kai? “Kakuli sepiso i ezelizwe mina, ni bana ba mina, ni babali kwahule kaufela, mane ni babañata be Mulena Mulimu wa luna akabiza.”

145 Mi, mutu kaufela ya bakae mi a kolobezwa ka Libizo la Jesu Kreste, mi Mulimu u mufa kolobezo ya Moya o Kenile, hakuna se si bonahala inge manna yapili, kono, hana fela kuba ni manna yetala mwa hanu kwa manna yapili, kono u ka amuhela yetala mwa pilu ona Moya o Kenile oswana.

146 Mwakona kubulela kuli, “Puma kwateni hanyinyani.” Ni ziba kuli Ni mutu ya buhali nyana ka seo, kono ha Ni koni fela kuitiisa. Mulemuhe, mutalime. Ha ki mina bo ni huwakela ka buhali. Na kona ku utwahalisa linzwi ka buhali. Kono, oh, haiba wena no ka utwa mo Ni utwela, no ka huwa, ni wena.

147 Mulemuhe, oh, pilu yetezi manna ya makalelo ye ne wile kwa simuluho; ona Moya o Kenile o swana o no wile nako yani, usweli kuwa ni cwale. Mi U ka ya kai? “Ku mina, kwa bana ba mina, babali kwahule hule,” Louisville, Kentucky, “mi buñata bwa bao

Mulena Mulimu wa luna uka biza, baka amuhela lika zeswana luli ze lunani fa.”

¹⁴⁸ Sani kona sa Na bulezi. Mulimu na li fuyozi. Na li kutalize. Moya o Kenile wa Li tisa; Ni na ni Ona; ani kona mafelelezo. Amen. Kuli, zeo ki zende fela kuna. Ni Mu nga ka Linzwi la Hae; Na ezize cwalo. Haiba nji wa Li bata, wakona kuba ni Lona, hape. Yeo ki niti.

¹⁴⁹ Kacwalo uzwe mwa—mwa buino bo bu shwile, mi u zuhe, mi u nyungehe cwalo ni ku zuha. Mi taba yapili, u talima kwa ni kwa mi lika kaufela li ka bonahala kushutana ku wena. Mutu yo no sa bulelisi yani, u ka akufa ku bulela ni yena; eni, sha, u swanela fela kubulela ku yena, kihona. Oh, luka zeo kaufela, munge libyana za mataya a kale, hamoho ni . . . lika zeo ze zwile mwa holeta ka nako yani. Taulo ya kale yo no itamanga yani ni mukeke o no zwisize fa tafule; u ka akufa kukuta, kuli u li kutise. Luli uka eza cwalo. Eeni, sha. Li ka ku eza sibupiwa sesinca ku Kreste Jesu. Cwale utalime ku Maria. Oh, mawi!

Luna ni kuakufa. Lu ya lu shetumuka.

¹⁵⁰ Ki bao ba ya, mwa lihalaupa cwale, kasamulaho wa mukopano wa kale. Cwale bainzi mwa musipili wa bona. Kana ha ki nto yenca kuli ne ba etelezwi kuya kwa Lihalaupa la Sibi, kuya kwani kwa lihalaupa, kukena mwa—mwa sibuba sa mezi a baba? Kana mwakona ku nahana kuli Mulimu na ka nga bana ba Hae, ba sa zo piliswa ni kutazwa ka Moya o Kenile, kuba mwa maweluwelu a mezi a baba? Luli. U tabela kubonisa lilatola Hae kubona hape. Yeo ki niti. Ba yo fita kwani.

¹⁵¹ Mwa ziba, ha u ba ni Moya o Kenile, u ka ba ni matata amañata. “Manyando a ya lukile ki amañata, kono Mulimu u mu lamulela ku ona kaufela.” Mulimu u kutisa kuona, kuli utalimane ni ona, kuli Akone ku kubonisa mata a Hae ni bunde bwa Hae.

¹⁵² Inge mo ne Ni utwezi likande la mulisana mwa Jerusalem, ya na lobile lihutu la ngu ya hae. Se bali, “Kiñi, wena mulisana wa situhu. Kiñi zo lobezi ngu yeo lihutu?”

¹⁵³ Ali, “Kihande, ha i ezi ka mo iswanela kuezeza. Kacwalo Ni hupuzi fela ku iloba lihutu, kuli ni ife pabalelo yende, mi kipeto i ka ni lata kuzwa kacenu kuya kwapili.”

¹⁵⁴ Fokuñwi Mulimu u ka kulobaza fa mukokoto, ni butuku, bwa bulela mualafi kuli u ka shwa. Mulimu wa kona ku ku fa kalafo ya butokwa kuli u Mu late hanyinyani. Yeo ki niti.

Babañwi bafitile mwa mezi, babañwi bafitile
mwa muunda,
Babañwi mwahala matata amatuna, kono
kaufela bona ki mwa Mali;
Jesu u zamaisa Keleke ya Hae.

155 Cwale, ha ne bali kwani, mi mezi nali a baba mi ne ba palelwa kunwa, Mulimu a lukisa nzila. Kota nyana ya kale ye ne sweli kunyendaela fa likamba, Mushe a i lema fela ni ku inepela mwa mezi, ya cinca lika kaufela; mezi aba amande, a munati.

156 Cwale ha mu taha fa mezi a mina a baba, kamba nto yeñwi yecwalo, kuna ni kota, busihu boo, kubulela ka moya, ye nyendaela fa Gologota, kamba lifasi, busihu boo, ye ka natifaza mezi kaufela a na ni kababela abile a ku zamaisa. Yeo ki niti. Kalvari ika natifaza kutwisiso ifi kaufela. Linako zeñata lu fita mwa libaka zetata, ni ku komoka kuli kiñi. Kacwalo Ni itima fela kwa meto linako zeñwi, ni kunahana kuli, “Kwani kwa Gologota, fo ne kushwezi Muliululi waka mi a sulula mali ni kushwela bupilo bwaka,” kona kuli muliko waka u ka bonahala fela o munyinyani. Ni u yumbela fela kwatuko ni ku zwelapili. U ka i fa kuba ni munati. I ka natifaza kutwisiso kaufela ye Ni kile naba ni yona. Yena kamita ukana a inatifaza cwalo, ha Ni taha kwa mezi aka a baba a Marah.

157 Cwale, lu fa kaufi ni ku ba swala fa cwale mwa lihalaupa, kasamulaho wa lisupo zetuna zani ni ze komokisa liezahala. Nacafazo ne se i yongile. Mi taba yapili mwa ziba, ancafazo ha i to kuza, kupalañi, ba libala limakazo zani kaufela.

158 Hanili seo si swana fela sina batu kacenu? Ba libala sa na ezize Mulimu mwaha o felile. Sa na ezize Mulimu kwa mukopano kwanu kwa sikolo se si pahami, mu libala kaufela zeo. Mwabona? Sa eza Mulimu, lu si libezi fela.

159 Cwale, mulemuhe, mi kakuli ne ba kalile ku kananisana, “Kihande, Na luli, hanili mane, Ni wa Methodist. Keleke yaluna kona yetuna luli.” “Ni wa Baptist, mi Ni ka mi bulelela cwale, lu lumela mwa silelezo ya Kuyakuile, mi luna ni Yona. Mina kaufela hamuna tuto, kasamulaho wa lika kaufela.” Fani kona fo u kenela mwa butata, mi mezi a hao a a kwaliwa kwateni. Ku lukile. Yeo ki niti.

160 Fani kona, lihalaupa, ha pila mwa lihalaupa, a kala ku bilaela, ku bilaela ni ku tongooka. “Kihande, Ni ka ku bulelela. Ni ka ku bulelela, mulisana wa kale yani hanali kwanu, mukutazi wa kale yani yana kutalize bulapeli bwa mufuta o cwalo, Ha—Ha ni zibi kamba na bulela niti kamba nee. Ni ka ku bulelela, na—na halifisize boma hahulu, busihu bobuñwi, ba ñala kuya kwandu. Mi Na ku bulelela, ne ba halifile luli, cwalo.” Ne ba swanela kunyema. Yeo ki niti. “Oh, Hani zibi kamba Ni bata kuutwa zeñwi za Teni, kamba nee.” Mi fani kona fo mezi a hao a kwaliwa kuwena atuhela kuzwa. Yeo ki niti. Fani kona fo u kenela mwa lihalaupa.

161 Ba kalisa kubilaela. Mi bali, “Myoyo ya luna i nyikilwe sinkwa se si sa kulisi se.” Kasamulaho ba ma no siya ma galiki ni nyanisi ya Egepita, mi ne ba ca lico za Mangeloi, kono ne ba sa bilaela. Kana yeo ha ki yona keleke nji? Cwale Ni taha kwa

sicaba sa ba holiness cwale, mina kaufela; eehe, kaufela mina. Ku ca lico za Mangeloi, mi ni kubulela kuli, “Ni lakaza kuli kambe ne lu ka kutela kwa Egepita, ku yo ikungela galiki yeñwi hape.”

¹⁶² “Clayton McMichen ni sicaba sa hae sa Wildcats ba kaba kwa mupanda busihu boo. Kambe Ne ni si ka ikopanya kwa keleke ya kale yani, Ne ni ka shetumukela kwatени.” Ki hande u zamaye fela. Ko kuna ni sifumu sa hao, ki ko i kaba pilu ya hao hape. Hakuna so no nani ha u kala. Yeo ki niti. Yeo ki niti. “Oh, Ne ni ka tabela kueza *se*, kamba kueza *sani*.” Ki fo he cwale, nako kaufela ki pilaelo.

¹⁶³ Mi ba si ya mezi a sileze a Egepita, ku yo nwa mezi a kenile azwa mwa Licwe la Myahamyaha, mi ne ba bilaela ka Ona. Ba siya sibaka koo baalafi babatuna ba ba ikumusa ba Egepita, baikumusi babatuna ni babañwi kaufela, ku li ba be ni Mualafi Yomutuna. Ba siya sibaka ko ne ba bulela, kuli, “Mazazi a limakazo a felile,” ku yo ba ni sicaba sene si na ni lisupo ni ze komokisa ze ne ba latelela, kono niteñi ne ba sa bilaela. Oh, mawi! Eni, sha. Kulo kwani, eeni sha, Maegepita, ne ba batile Bamacaba, ne ba sa isezi ngana. Ne ba sa lumeli mwa sika sa kuli limakazo.

¹⁶⁴ Mi, nebali kwande kwani kone bana ni Siita sa Mulilo sene sili ni bona. Luna ni Sona busihu boo. Nebali kwande kwani kone bana ni tabo mwa mafulo, inge ba huwa, limakazo linze li ezahala, ni lika kaufela, mi kipeto ba bilaele ka zona. Kona libaka mezi ha na omelezi, kona libaka hane basina sa kuca kamba sa kunwa, kakuli neba tongoka.

¹⁶⁵ Mi bwani kona butata bo buli ni likeleke mwa Louisville, busihu bwa kacenu; kutongoka, kubilaela. Sishemo! Mukutele kwa kuswaseha. Kona cwalo.

¹⁶⁶ “Cwale mutangana yo ki mañi, Mushe? Kiñi ze ne lu teezeza, ku teezeza mukutazi wa mupikuluhu ya kenile yo, nihakuli cwalo? Ki sikamañi se lueza kwanu?” Mi mezi abona a omelela.

¹⁶⁷ Ni hupula ka Mushe, yena muuna yomutuna yani. Na lutilwe mwa lika kaufela za—za butali bwa Maegepita. Halu mu talimeñi fa mizuzu nyana fela. Halungeni Mushe, fa muzuzu fela. Mutalime mushimani yani. Nali. . .

¹⁶⁸ Maegepita, ne ba lufitela kwahule luna ba kacenu, ha litaha ku za sayansi ya za milyani. Ne ba lufitela kwahu hule. Ki lika zeñata ze ne ba kona kueza ze lu sa koni kueza.

¹⁶⁹ Mi Mushe nana ni mulyani kaufela. Mi ha nali kwande kwani, na sepa, Mushe nana ni batu baba eza tu milioni hamoho ni yena. Nana ni bana babanyinyani. Nana ni baana bahulu, basali bahulu. Nana ni lihole, ni libofu. Limbututu ne li pepwa, likitikiti za zona, mwa nako ya sunda. Mi Mushe, Dr. Mushe, nali kwande kwani mwa lihalaupa ni sicaba se kaufela. Ni tabela kutalima mwa mukotana wa hae wa milyani, mina bo? Ni tabela kubona za na ni Dr. Mushe mwa mukotana wa hae wa milyani.

Ha lu nangeleñi fela mwa mukotana wa hae wa milyani ni kubona sa nani.

170 “Mushe, kiñi, ki sikamañi so nani mwani, Mushe?” Kiñi, lu fumana cwana kuli musipili wa lilimo ze mashumi amane wani kaufela, limbututu hape ze fitelela tu milioni za pepwa. Yeo ki niti. “U itusisa sikamañi, Mushe? No i tusisa sikamañi mwa likolofalo zani kaufela ni kuopa ni kansa, ni bubofu, ni bushushu, ni bumumu? Kiñi, ba ni bulelela, kuli hane muzwile mwa lihalaupa, nekusina ya fokola mwahala bona.” Bulela, hanili babañwi ba baalafi ba ba tabela kutalima mwateni, mwa putumende ya mulyani yeo?

171 “Mi nto yeñwi, Mushe, ki sikamañi so no hasaka fa batu bani, kuli mane ne ba litino za bona ne li sa pazuhi? Makatulo a bona na sa sinyehi, inge ba zamaya mwa macwe ani.” Haiba mukile mwa ba kwani, mwa ziba lihalaupa mo li bonahalela, ba tinanga makatulo mwa mazazi a malalu feela. Kono ne ba si ka tubula fateni neba likatulo lelikana la mukata, fa myaha ye mashumi amane. “Mushe, ki sikamañi se ne sili mwa mukotana wa hao wa milyani?”

172 Halu talimeni mwateni. Na mu bona, “Una ni munwelo wa mulyani, ‘Kina Mulena ya ku folisa.’” Ao kona mafelelezo. Amen.

173 Ali, “Oh, Mushe, ndate ubile kwanu, na wile fela mi alobeha liutu. Ki sikamañi so mu bulukezi?”

174 “Tuhela ni talime mi ni bone. ‘Haiba mu ka utwela linzwi la Ka, mwa eza kaufela ze Ni laela, Hanina ku tuhelela matuku ao kutaha ku mina, sina Maegepita, kakuli ki Na Mulena ya ku folisa.’ Ku mu bulelela cwalo.” A fola. Amen. Yeo ki niti.

“Oh, wa kula hahulu! Mbututu waka wa nyapa mwa mba, kamba ki katabi, ka musweli maswe! Dr. Mushe, ki sikamañi se Ni kaeza?”

175 “Tuhela ni bone se Ni nani. ‘Kina Mulena ya ku folisa.’” Ao kona mafelelezo. Amen. Ona fani ba ikela. Yeo ki niti. Wa zwelapili, inza nyakalala. Kona fela za na tokwa, “Kina Mulena ya ku folisa.”

176 Kuzwa mwa mianda ye silezi ni yeñwi, lisepiso ze swanela za foliso ya Bumulumu, mwa Testamente ye Nca inosi, mi ibo lu buza Mulimu, busihu boo. Kana Katulo ika ba cwani ku luna? Kiniti.

177 “Kina Mulena ya ku folisa.” Eeni, sha. Kona za na nani Mushe, Dr. Mushe mwa sibaka sa hae, ku sa hae...mwa mukotana wa hae wa milyani, neli se, “Ki na Mulena ya ku folisa.” Kacwalo A folisa matuku kaufela, ni ku ba buluka ka kupetahala, ni kubatisa mwa lihalaupa, kukena mwa naha ya sepiso. Oh, mawi!

178 Ba siya baalafi bani kaufela bainuneki, ku ba ni Mualafi Yomutuna yoo. Ba siya sikwata sa batu bani se ne si bata, sa

sihalihali, ni se ne si sa isezi ngana, bali, “Nekusina sika sa kuli limakazo.” Mi ona fa, Siita sa Mulilo ne si li fahalimwa bona. Sicaba ne si foliswa. Kaufela, mi kaufela ze ne ba tokwa, ne li fiwa fela kubona, mi ibo neba bilaela ha ba zwa mwa mezi. Kono he mwa sishemo se si ipitezi sa Mulimu, mwahala zeo kaufela . . .

¹⁷⁹ Sina mo muinezi mo mwa Louisville busihu boo, mwahala ze kaufela ze utwahala kuli, “Mazazi a limakazo a felile. Katengo ka za Milyani ka lika kupaleliswa foliso ya Bumulimu, mwahala naha kaufela.” Hamuna ku kona ku i tuhelisa. Kihande muitulele fela cwale. Hamukoni ku i tuhelisa sina mo mu sa koneli kutuheliseza lizazi. Yeo ki niti.

¹⁸⁰ Kwanu lilimo nyana ze fitile, ha Ni kala pili mwa Jeffersonville, ne ni kutaza foliso ya Bumulimu. Ne i si ka zibahala kale, bukaufi, ka myaha. Neli nto yetata. Kono, muzwale, busihu boo kuna ni ma milioni abona, kai ni kai, baba sweli kuhuwa. Kulika ku i tuhelisa? Hamukoni. “Ki na Mulena ya i cezi; Ni ka i selaela, musihali ni busihu, kuli kutokwe ya ka i zwise mwa lizoho la Ka.”

¹⁸¹ Kwanu ha ki kale hahulu, Ne ni sweli kotalimela linyunywani zeñwi fa Sibupiwa sa Tukuluho. Ne li lulile fela fani. Linyunywani zenyinyani ne li inzi fa kaufi, mwatasa liseli. Mi se Nili, “Ki sikamañi se si ezize cwalo?” ku muzamaisi.

¹⁸² Ki hali, “Ne li pancisize booko bwa zona maabani, busihu, mwa liundumume lani. Ne li keni mwa liseli, mi liseli ne li ka li sileleza, kono ne li lika kutima liseli. Mi za nata mane booko bwa zwa, ka kulika kutima liseli.”

¹⁸³ Se nili, “Kanya ku Mulimu!” Na sepa na hupula kuli Ne ni lyangani. Se nili, “Seo si ni beya mwa munahano wa batu ba bañwi ba balika kunata foliso ya Bumulimu ni Mata a zuho ya Jesu Kreste.” Mu ka lyanganisa booko bwa mina; hamuna kukona. Mu i amuhele fela, ni kufufela kwa buiketo, ku yona. Yeo ki niti. Amen.

¹⁸⁴ “Bulela kwa licwe, Mushe,” Mulimu a bulelela Mushe, “mi li ka tisa mezi a lona, ku tisa mezi a Hae.”

¹⁸⁵ Kwanu ha ki kale hahulu, Ne ni sweli kotalimela siswaniso mwa muyaho omuñwi wa bo sibuha-buhi, wa licwe le li natilwe. Mi ne li bonahala inge kuli kububa nuka cwalo ye ne suluha, yelikana ni ndonga ya kulukisa. Na hupula kuli, “Baswanisi ba awa luli ki likwala!” Kiñi, muzwale, Ne ni ka nwa mezi ani mane ku a omisa haiba Ne ni kaba ni linyolwa. Eni, sha.

¹⁸⁶ Kana mwa ziba kuli Mushe na nwile kwa Licwe lani? Na nani batu baba tuu milioni, kwanda lifolofolo kaufela. Nelikona kunwa lihemele ze fote sauzande fa muzuzu, kuli—kuli linwe mwateni. Haleluya!

¹⁸⁷ Seo si ni beya mwa munahano wa mutu yomuñwi mwa bulapeli bwa hae. Una ni fela bulapeli bo buñata ni kuya kwa

sikolo sa la Sunda kakusasana, kunwa fela hanyinyani ni ku ku kolobisa nyana kihona.

¹⁸⁸ Niabela kuina kwa Liweluwelu ko ku zwelela mezi, haleluya, ki a mañata akona ku ni isa kwa Kuyakuile. Haleluya! Ni tabile kuli Ni zwile mwa sibaka se si kolobile fela mukamo sani; ni ikinezi kwa sibuba ko ku na ni a welauka amañata fela nako kaufela. Eni, sha.

¹⁸⁹ Batu bana ni fela bulapeli bo bu mi ba inyandisisa. “Kihande, Hani koni kuina mizuzu yefitelela lishumi. Mawi, bunde, uka nga nako yekuma kai mukutazi yani?” Kana piliso ya hao ki yetungile cwani? Yeo ki niti.

¹⁹⁰ Wa ya la Sunda kakusasana, ni kubulela kuli, “Kihande, Ni ka ya ni yo utwa se ba ka bulela.” Ni kuba ni kaloteli kalikañwi ni kukuta, mi kipeto kona fela zo nani.

¹⁹¹ Muzwale, Ni ka mi bulelela, Mushe ha na natile Licwe lani, ne li yubulezi lihalaupa kaufela. Amen. Eeni, sha. Taba inosi fela, lika kaufela ze ne ba tokwa, ne ba kubama fela ni kunwa ni kunwa, kunwa, kunwa kufitela baikutwa kukula mezi. Niteñi, mezi amañata na sa zwa, mwendi lihemele ze fote sauzande fa muzuzu. Munahane fela, ki batu ba bakai batu baba kuma fa milioni, batu baba tu milioni bakona kunwa mezi akuma kai, mwa muzuz; batu baba na ni linyolwa, kwanda likamele, ni lifolofolo, ni lika ze ne ba bani. Mi Bibebe ibulezi kuli, “Na zwile fela ka buñata.” A yubooka fela, mwa lihalaupa kaufela.

Cwalo kona Jesu Krete mwa fela Moya o Kenile.

¹⁹² Isiñi fela hanyinyani, kubulela kuli, “Kihande, Ni lumela kuli Ni ka yo ikopanya kwa keleke.” Oh, mawi! “Oh, ha Ni koni kuyemela lilata lani. La ni njanjisa.” Haiba u shwa, u ka kangela mane kushwa haiba una ni kufita kwa Lihalimu, kakuli, muzwale, u ka yo utwa lilata ha u ka fita Kwani. Bibebe ibulezi kuli ba huwa “haleluya,” musihali ni busihu; musihali kaufela, kakuli hakuna busihu. Yeo ki niti. Kaniti u ka shwa ha u ka yo fita kwa Lihalimu, zazi la bubeli mwahalimu Mwani. Eeni, sha. Kihande, wena fela . . . so no eize, no ile fela mi wa yo fafalezwa fela, hanyinyani.

¹⁹³ Wa hana kuina fafasi fa liweluwelu, ni kuli lu sulule mezi a lona kufitela a kutapisa ku ba . . . haleluya, ku kena mwahali, mane kufitela u itibala ili wena u palelwa kuziba fo uinzi. [Hakuna manzwi fa tepu—Mu.] Cwalo kona mo u lukela kubela.

¹⁹⁴ Ne ni bulelelanga bo malume, bo ndate kuli, “Mushimani, Na kona kutapa,” mwa lisa le kwanu kwa Utica Pike.

¹⁹⁵ Zazi leliñwi, bo ndate ba yo ina fa mwambeso, bali, “Ni bata ku kubona ha utapa.” Kasa ka kanyinyani neli kaka tungile sina *cwana*. Ne ni yemi fa kapongisi ka mulola. Na tubula liapalo zaka, ni kuwa ka ngo yaka sina *cwana*, ni kutula mwahalimu

ni fafasi fa kapongisi ka mulola. Na nata, sileze sa fufa mi Na kala ku hasaka sileze.

Se nili, “Kana Ni eza cwani, Tate?”

¹⁹⁶ Ali, “Zwa mo.” Kona kutapa koo? U sweli fela kutapwita mwa sileze fo kalezi.

¹⁹⁷ Luna ni ma membala babañata mwa keleke baba hohoba fela, ni luna. Yeo ki niti. Yeo ki niti, batapwiti ba sileze. Eni, sha.

¹⁹⁸ Zazi leliñwi, bo malume ba ni zusa mwa mukolo mi ne Ni sweli kuitumba za kuziba kutapa; kwanu mwa Nuka ya Ohio, ki mezi a likana liñokolwa ze mashumi amabeli mwa butungi. Ba nga fela silabo ni ku ni kasheza mwa mezi, bali, “Cwale kucwani ka zeo?” Amen. Haleluya! Ne ni na ni kutapa kamba kutiba, kanti. Oh, mawi!

¹⁹⁹ Kihande u itwaeze Zeo cwale. Ku kukasheza mwa buliba, koo Mulimu akwalula licwe mwa lihalaupa mwani ni kusulula mezi ka buñata. “Bulela kwa Licwe,” Ki hali, “mi li ka tisa mezi a Lona.”

²⁰⁰ Mwendi, mulikana na, busihu cwana, mwendi wa shwa. U swanela kubulela kwa Licwe. Yeo ki niti.

²⁰¹ Mwendi uile kai ni kai. Mwendi uile kwa keleke, ni ku ikopanya ku ba Methodist, ni ku ikopanya ku ba Baptist; mi ba ku nyemela, se u ya ku ba Presbyterian; ni kukutela kwa Mapentekota, ni kwa Nazarene, wa minyukela ni ku ba Pilgrim Holiness. Kono ni teñi hauna kutwisiso.

²⁰² U bulele fela kwa Licwe, busihu cwana. Fela. . . Kikuli wa utwana ni Yena mwa lingambolo? Eehe. Ki hali, “Bulela kwa Licwe, mi Li ka tisa mezi a Lona.” Li ka tisa mezi a Hae, haiba ukona fela. . . Ha u lukeli ku Mu nata, mane. Bulela fela ku Yena. Ka manzwi fela a bulikani, bulela ku Yena.

²⁰³ Mwendi ubile ku dokota. Mwendi ubile ueza lika kaufela zo ziba mwa kuezeza, ka kulika kuba hande. Mwendi u ezize fela lika kaufela zeli mwa mata a hao, mane, mi upalezwi kufola. Dokota kaufela, u fitile mwa ofisi kaufela yo ziba mwa ku ezeza, mi dokota ali, “Wena fela. . . Hakuna se si kuezahala ku wena.” Kiñi ha u sa buleli kwa Licwe, busihu boo? Uka. . . Una ni mezi a Bupilo foo a hao, u kufa Bupilo ka buñata.

²⁰⁴ Nako yeñwi nekuna ni musali, mwa Bibebe, wa libizo la Hagare. Ni nahana ka yena. Mi Ni bata kukwala; ka nako. Nekuna ni musali wa libizo la Hagare, mi nana ni mbututu yomunyinyani. Na lelekezwi mwa lihalaupa, alwezi fela tubana iliñwi ya mezi. Kona ya na nwise mwana kuyona, musihali kaufela. Kono mezi a fela, ka nako ya musihali, mi mwana na sweli ku kataza ni kulila. Milomo ya hae ne i pazauha ni lulimi lwa hae ne se lu luluha. Me ya shebile, ya inyandela, ki sikamañi sa na ka eza? Na sa batile kai ni kai mwa sibaka kaufela kwa na ka ya, kuli afumane mezi, kono nekusina mezi ana fumani. Na

sa tabeli kubona mbututu kuli ashwe; kacwalo a mu lobaza mwa sicacani, mi aya fahule nyana sina lisho ha li kunupiwa.

205 Mi a kubama fafasi ni kubulela kwa Licwe. Ha na bulezi kwa Licwe, Lingeloi la bulela mi lali, “Hagare, ki sikamañi se si sweli kuwelauka fani?”

206 Nekuna ni siliba sesituna, se sitezi mezi, si saliteni ni kacenu. Kasumulaho wa myaha ye likiti zene, mezi a sa bubu ni kacenu. Sibuba seo Hagare. . .kwani, kuli, si sa bubu ni kacenu. Na bulezi kwa Licwe, mi Licwe la tisa mezi.

207 Nekuna ni bana ba Siheberu bene bakeni mwa ondo ya mulilo, zazi leliñwi, mi se ba bulela kwa Licwe. Mi Licwe nelili ni bona.

208 Nekuna ni musali yana zwa kwa Samaria, nako yeñwi. Na zwafile. Nali wa sibi, mi nana ni lika zeñata ze ne li mwa bupilo bwa hae, mwendi. Mi na zwafile. Aya kwa lisima la Jakobo kuli a katuluhe, mi na ka kuta. A ya kwa siliba sa Jakobo, mi a yo kuta. Mi zazi leliñwi atoma pizana ya hae ya mezi fafasi, mi na yemi fani, a zwafile. Mi ne ku yemi Licwe, liyemi bukaufi ni yena. A bulela kwa Licwe lani. A mu fa liweluwelu lelituna mwa moyo wa hae. A matela mwa munzi. Na si ka to ka mezi hape. A ba ni Bupilo. Ki hali, “Amutahe mu to bona Muuna ya ni bulelezi kaufela ze Ni ezize. Kana yo haki yena Kreste naa?” A bulela kwa Licwe, mi Licwe la tisa mezi a Lona.

209 Nekuna ni musali ya na sinyize mali a hae kwa baalafi, ni mahata, bene ba felize masheleni a hae kaufela. Ne ba palezwi kuomisa butuku bwa hae bwa mweya. Na sa fundotile kale litema la hae, mane neba ku li lekisa. Mi na inzi, inza luka zazi leliñwi, mi autwa Sesiñwi si shetumuka mwa mukwakwa. Abulela kwa Licwe. Licwe la sikuluha mi lali, “Ki mañi ya Ni sweli?” Ne li mafelelezo ha to bulela kwa Licwe. A mu fa liweluwelu la Bupilo, lani la tuhelisa butuku bwa mweya. La omisa, kapili.

210 Nekuna ni mukunyandela wa sibofu yana yemi kwa matuko a limota, zazi leliñwi, inza njanja silami. Lika kaufela ne li yongile. Mi na li fa, inza inyandela, mi sicaba inge si mu fitelela feela. A utwa Sesiñwi ha si taha; ali, “Ki sikamañi seo?” Mi abulela kwa Licwe.

211 Nihaike, ma membala ba keleke ya hae, bali ku yena, ba lika ku mu tuhelisa, bali, “Hakuna tuso. Haukoni ku i amuhela. Ina ona foo. Kuza fela wena.”

212 Kono a huwa katata kuli, “Wena mwana Davida, uni utwele butuku! Uni utwele butuku!” Mi a ambola kwa Licwe, mi Licwe la mu fa liweluwelu le li poomoka, mi meeto a hae a kwaluha.

213 Lona Licwe leliswana lani lene lili mwa lihalaupa liteni ni kacenu. Li eza kuli sicaba si nyakalale.

214 Zazi leliñwi, Jerusalema kaufela na yemi kwande ku yo bona mufolisi wa Bumulimu, mupikuluhi ya kenile, ha kena mwa tolopo; ni batu baba likani bali kuyema kwani, inge ba huweleza mo ne ba konela, “Hosanna! Hosanna, ku Yena ya taha ka Libizo la Mulena!”

215 Ona ma membala ba keleke ye ikuhumusa bani nebali kwande kwani ni liapalo za bona zetelele cwalo, ni ma D.D abona kwa mulaho wa bona; bali, “Ha ba kuze. Mawi, ba ni utwisa bana ba silami mwa mukokoto, ni zeñwi cwalo. Ku ba kuzisa.”

216 Ki hali, “Haiba ba bakuza, macwe kapili aka huweleza.” Neli sikamañi sani? Lona Licwe luli lene li kumuzwi kwa lilundu, kusina mazoho, ne litaha, inge li pikuluha kukena mwa Jerusalema. Macwe nyana na sweli kunwa ku Lona. “Bulela kwa licwe, mi Li ka tisa mezi a Lona.”

217 Haiba utokwa piliso, busihu boo, bulela kwa Licwe. Li ka tisa mezi a Lona. Haiba u mutu yawile, busihu boo; bulela kwa Licwe, Li ka tisa mezi a Lona. Haiba uteni mo, busihu boo, mi usina Kreste; ulikile keleke kaufela yeliteni, mwa tolopo, kuli ufumane puluso; bulela kwa Licwe, Li ka tisa mezi a Lona. U lumela cwalo? Haiba u mutu yawile, u zwile ku Mulimu, u nahana kuli hakuna kolo ku wena; bulela fela kwa Licwe, mi Li ka tisa mezi a Lona.

218 Kana mwa lumela cwalo, ka pilu za mina kaufela? Kana u lumela kuli Mulimu uka lumeleza cwalo? Ka pilu ya hao kaufela, wa lumela cwalo? Haleluya! Uteni mo busihu boo.

219 Haiba wa kula, mi ulikile lika kaufela mwa lifasi. U likile kukena mwa mukoloko wa tapelo, mi upalezwi kukena mwa mukoloko wa tapelo. U bile ni makadi a litapelo, mi wa kutiswa. U ile kwa mukopano ulimuñwi; u i lo kena kwa mukopano omuñwi. U tozizwe ki mulisana. U tile ka mukoloko wa tapelo wo. U bile kai ni kai kaufela, mi upalezwi kufoliswa.

220 Kiñi ha u sa buleli kwa Licwe cwale? Uka tisa mezi a Hae. Yeo ki niti. Kiñi ha u sa Mu liki hañwi? Ube mwa ngambolo ni Yena, ona fa, Ha sa fumaneha mwa muyaho cwalo. Pata ya Hae iteni mo cwale ku to folisa mañi ni mañi wa mina. Na lumela cwalo. Na ziba cwalo, ka pilu yaka kaufela. Na lumela. Mi kuna ni lika zeñwi ze Ni sa zibi, kono kuna ni lika zeñwi ze Ni ziba. Mi Ni ziba kuli Jesu Kreste, yena Mwana Mulimu yapila, uteni ona mo.

221 Ha Ni sweli kulika kubizeza sicaba kwapili cwale, mwa pilu yaka, lipono lisweli kutaha mwa muyaho kaufela cwale ona—ona fa cwale. Oh, yeo ki niti. Mata a Mulimu ateni mo. Yeo ki niti. Ni Mu boni ha zamaya kwanu. Si kala ku ni loba kuzwa mwa sibaka sesiñwi ku ya ku sesiñwi, ona fa cwale; kakuli kuna ni batu ba bakula mo, mi litapelo za mina kona ze eza lika; ili kupaka Linzwi la Mulimu, kubulela kuli Uteni mo kuli a ambole ni yena, busihu boo, ona Licwe leliswana lene li yemi ni ku lemaha milelo

ya bona. Lene liboni kone kuna ni musali, ya na nani butata bwa mweya, ni zeñwi cwalo. Uteni mo cwale. Haiba u ka bulela ku Yena, Uka tisa mezi a Hae. Kana wa lumela cwalo ka pilu ya hao kaufela?

²²² Ki sikamañi so nahana, kalibe? Wena yana ni... Ona mwahali foo. Cwale, hauna kadi ya tapelo, nji cwani? Kalibe ya apezi ze sweu mwa mulala wa hae, ya inzi ona foo. Una ni butuku bwa shuka, nji cwani? Hauna kadi ya tapelo, nji cwani? Ha u tokwi kadi ya tapelo mane. Kana u lumela cwalo? U nahana kuli wakona kubulela kwa Licwe? Kikuli u bata ku bulela ku Yena, ka butuku bwa dayabitisi, ona fa cwale? Kifo a ku yeme kanti. Ki niti yeo? Bulela fela kuli, “Na amuhela Jesu Kreste cwale kuba mufolisi waka,” mi Mulimu uka kuisa kwa ndu mi a ku folise. Bulela kwa Licwe. Mulimu aku fuyole. Ku lukile. Zamaya, mi ube hande.

²²³ Ki sikamañi so nahana, wena yainzi bukaufi ni yena, kalibe? Una ni misinga ye luluhile kwa mahutu a hao, nji cwani? Yeo ki niti. Yema ka mahutu. Kana yo ha ki yena muuna hao yainzi bukaufi ni wena foo? Ki niti yeo? Una ni butuku bwa shuka, ni wena, nji cwani? Kana ku cwalo? Beya lizoho la hao ku musala hao. Ku lukile. Sibeli sa mina mu zwa kwa Illinois. Nji ha ki cwalo? Cwale mukutele kwa Illinois, inge muambola kwa Licwe, mi li ka mi siya mi lisike za kuta hape. Haleluya!

²²⁴ Na ziba nto iliñwi, kuli Licwe liteni fa, Licwe la Myaha lene li natilwe mwa lihalaupa. Yeo ki niti.

²²⁵ U nahana sikamañi ka zeo, kalibe yomunyinyani foo ni mapalisa kwa kuwani ya hao? Wena yainzi foo ni kuopa mwa lingongo, ulika ku foliswa. Wena yana fetuha ni kotalima neku leliñwi, kana u lumela ka pilu ya hao kaufela kuli Mulimu uka ku folisa? Yema ka mahutu cwale, mi uhate lihutu hañata-ñata, ni kubulela kuli, “Kuopa mwa lingongo kufelile,” mi ku cwalo. Bulela kwa Licwe, mi Uka tisa...?...

²²⁶ Na mi bulelela, Jesu Kreste yaswana, maabani, kacenu, ni kuyakuile. Uteni mo kuli abonahalise sika kaufela se... .

²²⁷ U nahana sikamañi ka zona, kalibe yainzi foo, ya bulezi kuli, “kulumbwe Mulena,” una ni butata bwa sisali, u apezi baki nyana ya mubala wa butala, foo? Kikuli ulumela kuli Mulimu u ku folisize ona foo? Yema, fa muzuzu fela; u inezi ona foo. Kana wa lumela ka pilu ya hao kaufela? Una ni butata bwa sisali. Ki sitombo sa bulalu. Una ni musinga, kuna ni ze sweli kulota ku ona. Nji cwani? Haiba yeo ki niti, nanula lizoho la hao. Ki sikamañi se si ni bulelisa cwalo? Ki Licwe le li bulela ku wena. Bulela ku Yena, mi u be hande. Haleluya!

²²⁸ Oh, Mwa batela kutisa ponahazo ya Hae ya mata a Hae! Mi Ni bona Lingeloi la Mulimu, ona Siita sa Mulilo se si swana se ne si latelezi bana mwa lihalaupa, inza zamaya mwa muyaho wo cwale.

229 Ni lika ku fumana musali. Usweli wa lapela. Ukai musali yo? Ki Yo fa uyemi. Eeni, ki musali yomunyinyani ya yemi fani, wa bubeli uinzi. Batili, musali. . . Ki muuna, ya yemi. Ki muuna wa cakolwa yo sweli kulapelela. Nji ha ku cwalo, kalibe? Haiba ku cwalo, yema ka mahutu foo. Kana hauna muuna hao wa cakolwa yo no sweli ku lapelela? Haiba yeo ki niti, nanula lizoho la hao. Bulela kwa Licwe, mi Mulimu uka mu zusa mwa—mwa lika zeo.

230 Mulimu uka eza sika kaufela mwahali mo, haiba mukona fela kueza cwalo. Kana mwa lumela cwalo? Kikuli musweli kuambola ni Yena? Haiba u cwalo, yema cwale mi ubulele kwa Licwe, mi Licwe, lika tisa mezi a Hae. Kana muka yema?

231 Ki mañi ya Mu bata ku ba piliso? Nanula lizoho la hao, uli, “Ni bata kuli Atahe mwa pilu yaka.” Mulimu aku fuyole. Mulimu aku fuyole. Mulimu aku fuyole. Mulimu aku fuyole, ni wena, ni wena, ni wena. Oh, mawi! Eeni, sha.

232 Kansa yani iku siile foo, muzwale waka. I ile. Wa kona kuya kwa ndu mi ube hande cwale. Haleluya! Yeo ki niti.

233 Kaufela baba bata kufoliswa, munanule mazoho a mina, muli, “Mulena, Ni ambola ku Wena. Ni bulela ku Wena.” Yeo ki niti.

234 Ki yani waya. Muñaka, libelenge la hao li ku siile. U lukuluhile. Zamaya kwa ndu; ka Libizo la Jesu Kreste, u folisizwe.

235 Mutu kaufela mwahali mo, ya bata ku Mu fumana cwale, nanula mazoho a hao ni kubulela kuli, “Ni Itumezi, Mulena, ka ku ni folisa. Ni bulela ku Wena, ka Libizo la Jesu Kreste, kuli U ni folise.”

236 O Mulimu, ya sishemo, luma mata a Hao busihu boo, ka tozo ya Moya o Kenile, ha Sa li mwa muyaho wo cwale, ku to fiyela mwahala sicaba se. Mi cwale Moya o Kenile u eze makazo kaufela. Kusike kwa ba bakuli kamba mutu wa sihole ya ka siyala mwa muyaho busihu boo. Mi U folise mañi ni mañi, ka Libizo la Jesu Kreste.



PILISO YE TEZI, MWA NYAKALALO LOZ54-0330
(Redemption In Completeness, In Joy)

Liñusa le ka Muzwale William Marrion Branham, neli kutalizwe lwa pili mwa Sikuwa la Bubeli manzibwana, Liatamanyi 30, 1954, ili fa Church Of The Open Door mwa Louisville, Kentucky, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizwe ni ku hasanyiwa kiba Voice Of God Recordings.

LOZI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org